

LIBAKA HA NE IBILE BALISANA

♪ ...Na sepa, ni mukutazi ya lata ku kutazanga nako yetelele hahulu. Mi Ni sina tuto, Ni—Ni sepa ha Ni utwahali hahulu sina mukutazi kwa batu babañwi. Mi Na—Na mane ha ni ipapati kuba mukutazi, Na ni mufuta fela wa taya ye libelela musebezi. Kono Ni ikutwa kuli Nina ni Liñusa lelizwa ku Mulimu, kuli ka nzila yaka (kona nzila inosi fela ye Ni lukela ku Li tisa kayona), Ni lika ku Li tisa kwa lifasi. Mi haiba Ni sa ini ni Liñusa leo, Ni kaba mulwanisi ku Mulimu ni muipi ku mina. Mutu yakona kubulela nto yeñwi mi ulumela isili, ki buipi. Lu swanela kubulelanga niti kamita yezwelela kwa lipilu zaluna. Kuli batu ha ba lu talimela, ni ha ba sa lumelani ni luna, lu tokwa kuba baana ni basali baba kutekeha: kuli lu bulela kuzwa mwa lipilu za luna, taba yeli niti mwa lipilu za luna.

² Ñohola, kamba ñohola tula, Ne ni na ni kolo ya kubulela ku—ku Mukreste...kamba muni swalele, liñusa la Kilisimasi, kwanu kwa Ramada. Mi Ni lumela kuli ne Ni bulezi fa tuto, kamba neli kwanu kamba kwa Phoenix, yeli: *Kikabakalañi Betelehema Yomunyinyani?* Mi Ni lumela kuli neli kwanu, mwaha o felile, Ne ni bulezi kaza: *Lu Boni Naleli Ya Hae Kwa Upa Mi Lutile Kuto Mu Kubamela.*

³ Mi, mwa ziba, lwa bala Bibele, mi lwa komoka, kuli “*Kini hakuli cwalo?*” Mi busihu bo Ni hupuzi kuli, haiba mu ka itiisa nina fa nako nyana, ni ku ni lapelela kwatene, Ni tabela kulika ku mifa liñusa la ka la Kilisimasi. Mulimu wa ziba hande ko kukaba Kilisimasi, haiba kuna ni kuba Kilisimasi mwa mulaho wa ye. Cwale ka kuba kuli busihu bo kona busihu bwa mafelelezo bwa Kilisimasi bolukona kuina hamoho, kufitela lutoma silyela sesiñwi fa tafule. Mi Haina kuba iliñwi ya mufuta woo, kono ukaba nako ye lu ka ca ni kunwa mulalelo sinca ni Yena, mwa Mubuso wa Ndate kwa mafelelezo a musipili. Mi cwale, ha lu li atumeleñi inge kuli le kona liñusa la mafelelezo la Kilisimasi yelukona kuina hamoho kayona, mwa butungi bwa busepahali.

⁴ Ni bata ku bulela busihu bwa kacenu fa tuto ye ipitezi, kono fokuñwi mufumana Mulimu mwa lika ze ipitezi. U ezanga lika ka nzila ye ipitezi. Isiñi nzila ye zibahala, ki nzila ye ipitezi, linako ze ipitezi, lipono zeipitezi, Yena uipitezi. Mi Ni bata se... Mulena ha lata, Ni bata kubulela ka za tuto yeli *Libaka Ha Ne Ibile Balisana*.

⁵ Mi cwale lu si ka atumela kale Linzwi, le Ni lumela kuli ki Mulimu, “Kwa simuluhu nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna.”

⁶ Sina hane Ni bulezi, sunda yefelile, kamba sunda yefelile yaale kwa Phoenix, “Ku pakilwe kuli kuna ni batu ba lifasi le, batu ba basweli kufita mwa muyaho wo cwale.” Mazimumwangala a paka cwalo. Li mwa kalulo yeñwi, meto a luna a nama ni maikuto aluna a ketalizoho hakoni ku li bona. Ha ki kuli mazimumwangala aikezezanga sika, ki sikuka fela za kuzamaiseza lika kihona. Haukoni kushenyisa munwana wa hao, haukoni ku koba liito, kono lipakilwe kuli libulukilwe kuyakuile. Nakona kuyema... Kamba muuna kwa Australia, yakona kuba ni—ni mazimumwangala fa, isiñi seo fela kono muuna—muuna wakona kubulela, kunyanganyis munwana wa hae, akobe meto a hae, kamba mubala wa liapalo za tinile, zeo kaufela zakona kubonahalela fa limota le; mi yena ukona kuba mwa Africa, Australia, kai kaufela mwa lifasi. Mwabona, kuna ni sikwenda sa manzwi ni likezahalo zateni. Hanikoni ku li tatulula, kono Ni ziba kuli liteni. Hani sepi kuli kuna ni yakona ku tatulula. Kacwalo, mazimumwangala akona kuhoha zeo mwateni ni kulibeya ze iponahaza ka libelekiso zeñwi, kuli bakone kuli bonahalisa fa limota la maswaniso.

⁷ Cwale, yona nto yeo neili teni Adama ha nali fa. Mazimumwangala naliteni fa nako yani—yani Elia ha pahama fa Lilundu la Karmele. Nelili teni fa Martin Luther fani, yena muprisita yomunyinyani yani, a yumbela mulalo fafasi ni kubulela kuli, “Ki silalu! Mi baba lukile ba ka pila ka tumelo.” Ne ili teni ka nako yani, kono kona luiziba fela cwale. Mi hape ku cwalo, kuli fa pila luna busihu bwa kacenu kuna ni Mulimu, Mangeloi, libupiwa za moyo ze sa bonahali kwa ngana ya meto a moyo. Kono zazi leliñwi lika iponahaza inge fela mazimumwangala mabezi cwale, mi ka bunolo fela cwalo. Cwale, kona ha Ni lumela Linzwi.

⁸ Jesu naize, “Yo kaufela yaka ekeza linzwi li liliñwi kwa Bibele ye, kamba kuzusa Linzwi leliñwi ku Yona, siemba sa hae si ka zusiwa mwa Buka ya Bupilo.”

⁹ Kacwalo, halu inamiseñi litoho zaluna kanti, mane lusika Li bala kale. Ka tokomelo luli! Mutu kaufela yana ni mata a butu wakona kuapula likepe, kono ki Mulimu fela yakona ku Li patulula.

¹⁰ Mi ka litoho za luna ze inami cwale kwa liluli ko lu zusizwe, mi zazi leliñwi ki ko lu ka kutela, Ha ni zibi... Mi mwa nako yetata ye, halunze lu atumela Kilisimasi, haiba kuna ni babañwi mo baba ikutwa kutokwa luli mi ba tabelia kuhupulwa mwa tapelo ye, kana mina (kusina ku inula litoho za mina) mu nanule fela mazoho ku Mulimu ni kubulela kuli, “Uni hupule, Mulena, mwa Kilisimasi ye”? Mulimu ami fuyole.

¹¹ Ndate ya Kenile Kufitisisa mi ya Sishemo, Mulimu Yamata kaufela, Yena ya bile teñi kuzwa kwa simuluhu, ku si kaba kale naleli, kamba katowati, kamba neba sikusha sa tutowati. U ezize

lika kamukana ka Jesu Kreste Mwana Hao, mi u lu file lika kamukana kusina tifo ku Yena. Lwa itumela ku Wena, busihu boo, Mulena, ka kolo ye yona Yo lu file ya kukopana hamoho, kuli lu lemuswe ni ku ndangiwa ki Moya o Kenile. Mi Moya o Kenile unga Manzwi a Hao ni ku A patulula ku luna, kakuli Jesu naize, "Mi Yena Moya wa Niti ha sa tile, Uka mi hupulisa litaba ze Ni bulezi mi mi ni ku mi bonisa lika ze sa taha."

¹² Mulimu, hakuna ni yomukana mwahala luna, kamba nihaiba alimuñwi mwa lifasi, ya lukela kulika kutoloka Linzwi la Hao, kakuli ku ñozwi kuli, "Linzwi la Mulimu halina toloko ya kwa mukunda." Kabakaleo, Mulena, lu lapela kuli Moya o Kenile ulufe zona busihu boo, mañi ni mañi, siemba se lutokwa ku kulisa tala yani yeli mwa lipilu ya luna ka muzamao wa fakaufi ni Wena. Ha lu si ka likana, luba ba masila, ha lu swaneli. Mwana yana pepezwi mwa Betelehema, yana pilile bupilo bo bu petehile hahulu yani, mi neli yena fela mutu ya petehile fa lifasi, mi aipa ili Yena kuba tifo ya kuli Alu kenise luna baezalibi ni ku lutisa mwa kutwano ni Ndate, lumeleza busihu boo kuli Moya o Kenile wa Hae (ka kukutaza kwa Linzwi) uka lu ezeze zeo.

¹³ Mulena Mulimu, kuna ni babañata ba bakula mwa naha kacenu, fapila milyani yeminde kaufela yelukona kualafa ka yona, mane ni milyani yeminde hamoho cwalo ni lipatela zende. Mi ibo mwahala lipatisiso zaluna kaufela zetuna za sayansi, mane ku na ni matuku amañata kufita lifasi mo li zibela, kakuli kuna ni sibi ni ku sa lumela kokutuna hahulu kufita lifasi mo li zibela. Lu tuse busihu boo, Ñaka Yomutuna, mi ufolise bakuli babali mwahala luna.

¹⁴ Mi ulufe Moya, ona Moya wa niti wa Kilisimasi. Mi kacenu...kuli fani mikiti ya buhedeni, likota za Kilisimasi ha li kubamelwa, makande a buhata a—a muuna ya bizwa Santa Claus, ni ya tushakame twa luna twa Paseka, ni mikwa yeshutana yeo lifasi la litekisano libeile mihipulo yemituna kuyona, ha libeiwe kwatuko zeo, Mulimu. Halu keneñi ku Kreste yena Linzwi, kakuli lu kupa ka Libizo la Hae ni kwa kanya ya Hae. Amen.

¹⁵ Haiba mukona ku apula hamoho nina ka kubala mwa Litaba ze Kenile, Muñoli Luka, kauhanyo ya 2. Kana mwa ni utwa hande kaufela?

Kana kuna ni ku sha utwahala hande mwa li maikulofoni ze? Kikuli mwa ni utwa hande kwa mulaho? Haiba mwa utwa, amu nanule mazoho amina. Ni itumezi. Kauhanyo ya 2 ya Evangelii kuya ka Muhalalehi Luka.

*Mwa linako zani, kwa taha taelo ya Sesare Augusto,
ye li kuezwe sipalo sa lifasi kaufela.*

*(Sipalo seo ki sa pili...sa eza kuirino hali mubusisi
wa Siria.)*

Mi batu kaufela ne ba yo ñolwa, mutu ni mutu mwa munzi wa habo.

Josefa ni yena atula kwa Galilea, mwa munzi wa Nazareta, aya kwa Judea, . . . muleneñi wa Davida, o biziwa Betelehema; (kakuli neli wa mukowa ni wa lusika lwa Davida:)

A yo ñolwa ni Maria ya na beeelelize, ya na li fa buhole.

Ba sa li ona mo, mazazi a hae, a kwana mazazi a hae a kupuluha a fela.

Mi apepa mwana hae wa mweli, a muapesa liapalo za bumbututu, mi amu lobaza mwa sicelo; kakuli nekusina sibaka sa bona mwa ndu ya baenzi.

Balisana ne ba liteni mwa naha yeo, ba tonela mitapi yabona busihu.

Mi, amubone, lingeloi la Mulena la ba tahela, mi kanya ya Mulena ya ba beya mwahali: mi ba saba ka sabo yetuna.

Mi lingeloi la li ku bona, Musike mwa saba: kakuli, amubone, Ni mi bulelela . . . tabo yetuna, ye ka ba ya sicaba kaufela.

Kikuli kacenu mu pepezwi Mupilisi mwa munzi wa Davida, ki Kreste Mulena.

Se si kaba sisupo ku mina ki se; Mu ka fumana mbututu a apesizwe masila, a lobalizwe mwa sicelo.

Mi ka nako iliñwi fela nekuna ni . . . Mi ka nako iliñwi fela kwani . . . ni lingeloi buñata bwa . . . limpi za lhalimu bwa lumba Mulimu, bwa li,

Kanya ibe Mulimu kwa mahalimu a kwahalimu, kozo i be teñi mwa lifasi, batu ba shemubiwe.

Mangeloi ha zwile, ku bona ku kutela kwahalimu, balisana ba bulelisana bali, A lu yeñi cwale mwa Betelehema, lu yo bona taba ye tahile yeo, ya lu zibisize Mulena.

Ba akufela kwateni mi ba fumana Maria ni Josefa, ni mbututu a lobalizwe mwa sicelo.

Ha ba boni, ba zamaisa litaba za mwana ze ba bulelezwi.

Ba ba li utwa kaufela ba komoka litaba ze ba bulelewia ki balisana.

Maria a buluka litaba zeo kaufela, a li nahana mwa pilu.

Balisana bona ba kuta, inze ba lumba Mulimu ba mu lumbeka ka ze bautwile kaufela, ni ze ba boni kakuli ki zona ze ne ba bulelezwi.

Cwale Mulena aakeze limbuyoti za Hae kwa palo ya Linzwi la Hae.

¹⁶ Cwale, ki... Kiñi kezahalo tuna ye hane i patuluzwi kwa balisana? Yeo ikona kuba nto ye tabisa ku luna. Nina ni Mañolo añozwi fa, ni litaba nyana ze Ni ka lika kufituluka mwateren, ku tatulula ku mina *libaka* kuya ka zibo yaka. Mi mwendi kasamulaho wa se, kuli Mulena ka sishemo sa Hae, busihu boo, ange ze sa siyezi ku luna lipuzo zakuli *kikabakalañi*. Kono kana... Buñata bwa luna kaufela, Na sepa, ka nako iliñwi kamba yeñwi, lukile lwa komoka kuli taba ilikalo-kalo ye ne i ka bichelwa balisana. Kiñi hane I patuluzwi kwa balisana mi isi kwa baituti ba lizazi lani? Neli bona bene ba lutilwe ku I utwa. Mi kiñi hane Itile ka ku fitelela bafumi, mi ni ku taha kwa babotana? Hape, kiñi ha ne Lifitelezi ba baitutile ni bababutali, ni kutaha kwa babotana ni baba si ka ituta? Kuna ni lipuzo zenyinyani za kuli *kiñi* mwahali mo.

¹⁷ Mi libaka leliñwi le Ni kona kubulela, mulemuhe, mbumbu na pepezwi mwa Betelehema. Yeo Betelehema mwa toloko ya Siheberu, sina hane lu bile ni yona myaha yemibel kwa mulaho kwanu, *Betelehema* italusa “ndu ya sinkwa sa Mulimu.” Mi ne lu bonisize mwa Mañolo, Na si ka taha ka sibaka sisili. Betelehema ne i kalisizwe ka Rahaba ni muuna—muuna hae. Rahaba neli lihule lene li beeelizwe ku ndwalume, yazwa kwa—kwa mpi ya Maisilaele, ba ma no hapa Jeriko. Mi ka tumelo a lumela Liñusa la Mulimu, mwa buino bwa hae, mi a piliswa. Mi kuzwa fani, fani Joshua ha na abile mubu koo mutu ni mutu na ka yaha,...

¹⁸ Mi kuna ni tuto yetuna yeo fokuñwi Ni sepa kukona kutisa kwa Tucson, kwa bashemi ba si Heberu bani ha ne ba puluha bana ba bona. Nako ya na tonga mwa makateñi a kupuluha mwana, na bulela libizo la mwana mi sani sa mubeya hande mwa mubu wa sepiso, kuba lusika. Taba yetuna, Linzwi la Mulimu kaufela la lumelelana hande hamoho. Haiba ha li lumelelani hamoho, kona kuli ha ki Linzwi la Mulimu le li sa swalisaní, ki muhupulo wa hao o pala kulumelana ni Linzwi. Hailo lona la lumelelana hamoho.

¹⁹ Kacwalo, he, Nali yena Sinkwa sa Bupilo, sina hane lu lutile sunda yefelile mwa Phoenix, kamba sunda yaale kwa mulaho. Mi kakuba Sinkwa sa Bupilo, Na si ke kutaha mwa sibaka sisili kwanda kuba “ndu ya sinkwa sa Mulimu.” Mi lani neli lona *libaka*. Cwale, fa, Jesu u pepezwi mwa Betelehema, mi mwa Betelehema neku na ni sinagogue, baeteleli babatuna ba bulapeli neba pila mwa Betelehema. Davida yena mulena yomutuna wa mulisana yani na pepezwi mwa Betelehema, ndatahe Jese na pepezwi mwa Betelehema, kuku wa hae yena Obedi na pepezwi mwa Betelehema. Hape, kukuta kwa mulaho, na zwelela kwa Betelehema.

²⁰ Mi fa, Jesu Mwana Davida u pepezwi mwa Betelehema, mwatasa miluti ya lituwa za miyaho yemituna. Mi cwale haiba sicaba sani si lutilwe, mi ne si libeleta kubona Mesia ka myaha ye kaufela; myaha ye likiti zene, Mesia na polofitilwe kutaha. Mi cwale haiba Mesia a pepelwa mwa muluti wa muyaho wa litapelo, kiñi ze ne bana ni kukuta kwa mulaho mwa malundu kwa sikhata baba si ka ituta, balisana baba si ka lutija kutisa Liñusa lelituna, Liñusa la pili lani? Ni kuluma balisana! Isiñi ba babutali ni baba itutile, kono balisana. Kinto yenca, nji cwani? Kono ku lukela kuba *libaka* kokuñwi... Kuna ni *libaka*, cwale ku lukela kuba kalabo kwa libaka leo! Mi hakuna mutu ya ziba kalabo kwanda Mulimu. Ki Yena ya ziba kalabo.

²¹ Cwale, muhupule, Mesia na li kale mwa muleneñi, na pepezwi mwa muleneñi, mwa sicelo; bukaufi ni miyaho yemituna koo muprisita yomutuna... ni baprisita babatuna, ni baituti ba za bulapeli, ni ba ngana, ni baba lutilwe, kaufela nebali teni kwani inge balibelezi Mesia. Mi ki Yani naliteni, ona mwahala bona! Kono kiñi cwale ha ne baile kwa... kwande kwa malundu a Judea ku baba si ka ituta, ba ba si na tuto, ba ba si na sizo, babotana mwahala babotana? Ne ku bonahala inge mutu ya sa zibahali mwa musebezi o cwalo, kuli apatulule Liñusa ni ku ba luma kuli batise Liñusa.

²² Mwa ziba mulelo waka kana? Haukoni kuba o ipitezi hahulu, kono Ni bata kuzibisa mulelo waka: Ni lumela kuli ki libaka la butali bwa Mulimu, kuli Na zibile ne ba si ke ba amuhela Liñusa ka mo ne Li tezi. Ne li si mwa mukwa wa kuituta kwa bona. Ne li shutana. Ne si se ne ba lutilwe kulumela kuli kona sa Na kaba sona. Ne li shutana kwa kutwisiso ya bona ka za bulapeli. Kuituta kwa bona kaufela, lituto zabona kakuli ne li fitelezwi, kuba zesina tuso. Ni lumela kuil ki butali bwa Mulimu bone bu zibile kuli ne ba si ka amuhela Liñusa lani.

²³ Kacwalo Mesia nali fa, mi ku lukela kuba ni ya ka Li lemuha. Mi Na ziba be ne ba si ka zwakana ni lika ze cwalo zani. Na ka kona kuisa liñusa la Hae kwa sikhata se si si ka ituta, kufita mwa Na ka li iseza kwa sikhata se si lyangani mwa linzila zasona kuli hakuna sene si ka ba sikulula, kusina neba Linzwi la Mulimu.

²⁴ Mi cwale, mulikani wa Mukreste, mutuhele ni bulele puzo ye, ka busepahali kaufela ni lilato. Ni komoka fela haiba Ukon a kueza nto yeswana busihu boo, ni ku lu lumela zona mwa lusika loo Linzwi la sepireso lani le li sepiselizwe lusika loo, Ha ni zibi haiba baituti baluna, ni baluti, ni babutali, ne ba si ke ba hana Liñusa leo sina bona mo ne ba ezelize? Mutu ha cinci, neba Linzwi la Mulimu ha li cinci. Ki Mulimu ya sa cinci, Ha cinci!

²⁵ Mulemuhe, Mangeloi ataha ni... Mangeloi ataha ku to fa Liñusa la ona ku mutu wa buino bwa mwatasasi hahulu cwalo, hane kuna ni batu kwani babañata (kuya ka mubulelelo wa lifasi) bene ba swanelia kufita babotana baa, balisana ba litimbi.

Mulisana neli yena sitimbi ya fitelezi hahulu mutu kaufela, hakuna za na tokwa kuziba konji fela lingu za hae. Na sa tokwi kuziba lipalo. Na sa tokwi kuziba mwa—mwa ku pazulela towati. Na sa tokwi tuso ya sikolo. Na lukela fela kuziba lingu za hae, kona fela za lukela kuziba zeo. Mi Mulimu, Butali bobutuna, mi Sibuba ni makalelo a butali kaufela, na ka keta mutu yacwalo sina (batu, baba botanile, sina bani), ni kufitelela baituti baba lutilwe hande bene ba lutilwe ku ziba Zani. I bulela nto iliñwi, ye ne ba lutilwe za sibaka sisili. Kufitelela ba butokwa ba nahá; ne kuna ni batu baba butokwa, baluti babatuna, bo Kefasi ni baprisita babatuna, baana babañwi babatuna, baana kaufela babatuna baba itutile ba Isilaele, likopano kaufela, ni baituti ba bukuhumuso kamukana, Mulimu a fitelela mañi ni mañi wabona! Cwale, bwani kona butali bwa Mulimu.

²⁶ Mulemuhe, Mahalimu a Pahami hahulu a akufela ku kuteka ba ba si ka ituta babotana ba lifasi. Lihalimu leli Pahami hahulu la tahafafasi kuli Ato izibahaza mwa libaka za mwatasi hahulu, kufitelela kaufela ba mwahali kuli aikeze Ilyena kuzibahala kwa ba balisana; kutaha ku to fa balisana babasina kabubo bani Liñusa lelituna le la linako kaufela. Ne ku na ni balumiwa babatuna babañata hahulu. Ne lu ka nahana mwa mazazi a Nuwe, ni bapolofita, mi—mi ni baprisita babatuna, ni babañwi cwalo, bene bapila mwa mazazi a kale. Muuna yomutuna ya itutile, malena, babusisi, malena, kono ki Yo ataha ni babatuna ba Mañusa kaufela. Neli Liñusa mañi? “Mesia uteni mo cwale!” Mwabona? Mi ka kuzibahalisa seo, A fitelela baba itutile kaufela, ku to li zibahalisa kwa balisana baba botana.

²⁷ Munahane ka zona: baana kaufela ba lituto za bulapeli, baana kaufela ba keleke, baluti kaufela, kaufela za—za lituto za bulapeli, mashaleñi kaufela a na sinyehile, likeleke kaufela, ni lituto, ni likopano, kaufela ne li fitelezwi kamukana! Lituto kaufela ze ne ba sinyelize nako kuituta kaza—bulumiwa kaufela, ni bene ba kutela mwa mulaho kaufela ka tumelo, bumembala kaufela, ni lika kaufela ze ne ba hupuzi ne ba ezize ka likute ku Mulimu, ibo Liñusa la zona kaufela ne li fitelezwi ku bona. Kwa komokisa! Kiñi? Mwabona?

²⁸ Mi mulemuhe, ha ki zeo fela, kono sibaka se si sa swaneli kuezahalela nto yecwalo. Balisana, cwale, ki bona bene ba amuhezi Liñusa. Mi cwale mulemuhe fo ne kuna ni Liñusa: mwa sibaka se si sa swaneli kuli mutu na ka kulubela kuli Si ezahale mo ku cwalo. Mi Na kona, busihu cwana, haiba lu bata Liñusa la niti la Mulena Jesu, Ha ni zibi haiba Likona kuba mwa sikuwata se si sa swaneli, sibaka sene sili... seo lifasi lelituna hahulu, ni lifasi la zwelopili hahulu ka keleke kacenu likona kunahana ka sikuwata sa—sa, oh, bahanyezi mwa tumelo? Ha ni zibi haiba kwani kona ko ne lu ka Mu fumana? Sibaka se si sa swaneli sani, ni kwa babuleli baba sa swaneli. Balisana hakuna ze ne ba

ziba ka za kukutaza, kwanda kubiza fela lingu; kihande, mwendi kona ze Ne li tezi.

²⁹ Kono ne ku na ni Linzwi la sepiiso. Mulemuhe, lakona kueza cwalo hape.

³⁰ La fitelelela baika kaufela ba mwa naха. La fitelela baika kaufela, mi za patululelwa kwa batu ba fela fela. Baika kaufela bene ba kabile mwa—mwa lituto zetuna za bulapeli ni—ni lituto za ngana ya butu, mi—mi ni lituto zepahami, ni miyaho yemituna ni lika zeñwi, kaufela ne li fitelezwi ni kuto patululwa kwa batu ba fela fela. Butali, butali bo buipitezi bwa Mulimu Yamata kaufela kona bo ne buezize cwalo, ku to ba zibisa Liñusa lelituna hahulu le ne liliteñi, “Mesia u mwa lifasi cwale.” Ha ki butali ni boo! Bukona kuzwa fela ku Mulimu ya ziba butali! Butali kaufela ni likolo kaufela, ni lika zeñwi, za beiwa kusili ni ku fitelelwa ka butali bobutuna bwa Mulimu. Ni zwelapili ku kutela seo kakuli Ni bata kuli si nwele mwa butungi. Kaufela za sinyeha fela, ne si zende. Za fitelela kaufela kulumeleza butali bwa Mulimu bube ni nzila yesina zetibela, kuli Mulimu u amuhela lika zesina tuso kulieza ze na ni tuso.

³¹ Lwakona kuyemela fa ni kubulela za Joani. Lwakona kuyemela fa ni kubulela za Elia. Hakuna ya ziba ko ku zwelezi Elia. Kaufela ze ba ziba, na ti lo iponahaza fela mwa sibaka. Bapolofita kwa mulaho mwa llimo zani, ne ba sa zibahali. Kono Mulimu anga sani kwa... ni kufitelela za—za maoyo a keleke, ni lituto, kueza... kubonisa kuli Ki Mulimu. Unganga sika se si sina mayemo, ku si eza sa mayemo. U bonisa butali bwa Hae ni Bulimu bwa Hae ka kueza cwalo, kuli Ange ze sina tuso. Ha Na ezize mutu pili, Na ngile fela sikoto sa lizupa ni kubupa mutu ku sona. Ko ne kusina sika kwanda lizupa, kono Na bupile mutu. Mi Mulimu unganga lika zesina tuso cwale, kuli aeze lika zeñwi. Mi haibile fela lu nahana kuli lu sesiñwi, konakuli halukoni ku itusiswa mwa lizoho la Mulimu. Lu swanelia kuhana ze lukile lwaba ni zona kaufela. [Muzwale Branham u ikomona fa mumizo—Mu.] (Muni swalele.) Sina Muhalalehi yomutuna Paulusi, na bulezi kuli nana ni kulibala kaufela za na itutile, kuli akone kuziba Kreste.

³² Kuituta kwa bona kaufela, lituto za bona ni zeñwi cwalo, ne li sweli kubeleka ka ku ba lwanisa. Mafelelezo za Mu latula! Zona lituto luli ze ne ba ituta ka Yena, ku Mu lumela, za fetuha mi za ba fela sila sesimaswe ku yena, mi ba Mu kokotela!

³³ Kikuli mu ziba kuli litaba za kale za kutakelanga ili zona fa ni fa? Ki niti ye zibahala. Yakona kuezahala hape bukaufi ni luna luli. “Oh,” mu li, “Kambe Ne ni pila mwa linako zani, ...” Kihande, cwale, haiba ubata kuziba so no kaeza nako yani, talima buino bwa hao bwa cwale; mi wakona kubona so no kaeza nako yani, kakuli luli za ipatulula.

³⁴ Ne ba lutilwe kulumela Linzwi la Hae, mi cwale Linzwi la Hae ha li pakiwa fapula meto abona luli, ba latula Linzwi le ne li pakilwe. Mi Mulimu kanti na bonahalize kale sa Na ka eza, ni kubulela sa Na ka eza, ni kupaka sa Na ka eza, mi ba sikuluha ni kubiza muuna yo kuli “moya o maswe” (o no ba lwaha kaufela). Munahane ka ze ne ezahalile! Munahane ze ne tisize cwalo; lituto za bona za ba tiseza ku sa lemuha Linzwi luli le li ezizwe nama mwa lizazi la bona; ona tuto luli yene banani mwa likolo za bona, ka baluti babande luli.

³⁵ Mi mu li, “Kihande, haluna kueza cwalo kacenu.” Baluti ba bona neli baba ipitezi hahulu ku luna kacenu (baba fahalimu hahulu, nitaluse, kwa baluti ba luna), mi ba palelwa. Ne ba sina likopano ze naini handeleti ni nainte-sikisi ze shutana sina mo lubezi ni zona kacenu. Nebana ni zetalu. Mi mwahala zetalu, mu latelele ku zetalu, mi hakuna ni yekana ku zetalu yene Li lemuhile! Ku bonisa fela kuli sa ezanga mutu ki bukuba ku Mulimu. Mwabona?

³⁶ Cwale, ne ba palezwi ku Li lemuha. Cwale... Mi ne ba ka eza nto yeswana hape.

³⁷ Mutu... Takazo ki yende, kamita ki yende. Mi mutu ha cincangi sibupeho sa hae, yena ha cinci linzila za hae; Ni bulela ka mutu wa lifasi. Mutu kamita u lumba Mulimu, mutu wa bulapeli, ka Sa ezize, mi kamita u kana a supeza sicaba ku Sa ka eza, mi kipeto upalelwa kulemuha Sa sweli kueza! Mwabona? Yoo ki mutu fela, u bupilwe ona cwalo, ubile ona cwalo kamita. Mi mina babali ba Bibele busihu boo muziba kuli zeo ki kuya ka Linzwi, “kiniti.” Kamita ba lumba Mulimu ka Sa ezize, ba bulela Sa ka eza, mi ha ba lemuhi Sa sweli kueza. Woo fela kona mukwa wa mutu.

³⁸ Libaka lene ba ezelize se, baluti, kuya ka munahano waka cwale: ne ba tolokile Linzwi, kakuli kaufela bona neba lumela ku Mesia yana taha. Isilaele kaufela na lumela cwalo, ba sa lumela ni kacenu. Kono libaka lene ba si ka *Mu* lemuhela, Liñusa la Hae ne sa zamaelei ni bulapeli bwa bona. Bona... tolo yabona yene ba nani kwa Linzwi, Mesia na si ka iponahaza Iliyena ka nzila yene ba toloka kuli kona Yakona kutaha ka yona. Kacwalo, mi kabakaleo, ne ba si ka *Mu* lemuha kakuli ne Li si ka likanelela ni mutolokelo wabona. Sina ha Ni bulezi kale, mi ni sa tiisa kubulela hape, “Mulimu ha tokwi mutu kutoloka Linzwi la Hae. Ki Yena mutoloki wa Lona kasibili.”

³⁹ Cwale, Bibele ibulela kuli... Haluboneñi ni mi bonise cwale kuli yeo ki Niti. Isaya mupolofita, myaha ye mianda ye supile ni ye lishumi ka ye ketalizoho zeo li si ka ezahala kale, Isaya mupolofita naize, “Mwalanjo uka itwala, mi apepe mwana.” Hakuna ku kakanya kuli mañi ni mañi mwa lusika lwani na hupula kuli mwana hae wa musizana ukaba yena musali yani, kakuli Isaya na bulezi cwalo. Kono, mwa bona, neli myaha

ye mianda ye supile kasamulaho. Kono cwale... Mulimu na sa tokwi kuli mutu a toloke Linzwi la Hae, mi ni nako Ha ka eza cwalo, kamba mwa Na ka li ezeza. Na bulezi kuli Uka eza cwalo, mi Na ezize cwalo!

⁴⁰ Mulimu na sepisize kuli Yena... mwani mwa Isaya, hape, Na lumela ki kauhanyo ya 28, mwendi fa timana ya 18. Mi hape ni mwa Joele 2:28, kuli mwa mazazi a maungulo, myaha ye likiti zepeli ya mafelelezo, Na ka sulula Moya wa Hae fahalimwa libupiwa kaufela. Na ize, "Bana ba mina ba bashimani ni basizana ba ka polofita. Mucaha wa mina uka bona lipono. Mucembele wa mina uka lola litolo." Mi ni lika za Na kaeza, Isaya naize, "Ka milomo ya ba silimi ni ka puo ya batu basili Ni ka luta sicaba se, mi ye kona Pumulo." Kono ne ba si ka Li utwa. Ne ba sisinyize litoho za bona ni kuzwa ku Lona. Ki hali, "Litafulle za Mulimu kaufela li ka tala fela mataza, mi hakuna se ne si kaba se si kenile." Mi haiba seo ha ki siswaniso luli sa Jerusaleman, ni keleke ya lizazi lani fa kutaha kwa Mesia, ki siswaniso kacenu se si swana. Si sweli fela ku kutela sona siñi.

⁴¹ Cwale, mi Mulimu ha bulela kuli Uka eza sika, Na ezize. Hakuna taba kamba mutu unahana sikamañi ka zona, sa bulela mutu ufi kaufela, foo Mulimu ha bulela sika, Utamehile ku toloka Linzwi lani yena Kasibili. Mi ponahazo ya Hae fa Linzwi kona toloko ya Hae Tota. Mulemuhe, kupaka Liñusa la Mesia wa Hae. Na sepisize sa ka eza Mesia Ha taha. Mi cwale Ha taha...

⁴² Neba baana baba butali kwa upa ha ne ba talimile kwa mboela, kuzwa kone ba inzi mwa Babilona, mi ba bona naleli ye ipitezi. Kana mwa ziba kuli hakuna neba towati ya litaba za kale, kai kaufela, koo sibaka sifi kaufela sa lipatisiso (ko ne ba ziba nako ka—ka—ka kubala linaleli, muuna yomutuna ya kile aituta za linaleli zee)... Hakuna litaba za kale ze bulela kuli ufi wa bona kaufela na boni naleli yani ni hanyinyani. Kiñi? Ne li si ka fiwa ku bona, ne ba sa libeleli ze cwalo. Kono baana babatali ba ne ba zibile kuli ku kaba Nalelo ya Jakobo ye ka taha, mi ne ba I libelezi, mi Ya fita kuzwa ka nako ya pepwa Jesu mwa Betelehema...

⁴³ Cwale, Na ziba lizo zaluna za Bakreste, kuswana fela sina likeleke zaluna, lina ni lika ze futukile. Muzwele kwande mi mu kabona baana ba batali ba taha ku to kubamela mbututu; hakuna nto yecwalo mwa Mañolo. Kasamulaho wa lilimo zepeli ba yo fita kwani, ba taha inge bafita mwa mabala ni mwa Nuka ya Tigris. Ne ba si ka to kubamela mbututu, kono ne li mwana ya hulile wa lilimo zepeli. Kiñi ha ne kuli cwalo, ka nako yeswana, Heroda nabulaile bashimani kaufela kuzwa fa lilimo zepeli kukuta mwatasi? Kuli akone kuswasa Mesia. Mwa bona, bona... Mulimu na li pakile ka Linzwi la Hae.

⁴⁴ Mi cwale baana ba babutali ba ha ba taha kwa Jerusalema... Naleli ya ba isa kwa muleneñi wa bulapeli bwa

lifasi, Jerusalema. Mi ba si no kena fela mwa minyako mwani, naleli yani (ze ipitezi ze ne ba etelezi) ya hana ku ba monyehela hape. Ki bao kafa ni kafa mwa mikwakwa ona baana babande bani, baana baba fumile ni likamele zende, ni zeñwi cwalo... kukambama ni kushetumuka mwa mikwakwa inge bali, "Ukai Ya pepilwe Mulena wa Majuda. Lu boni naleli ya Hae kwa upa." Mi ona muleneñi tuna wa bulapeli wani, kasamulaho wa lilimo zepeli za Liñusa la balisana, niteñi ne ba sina kalabo kamba kuziba sika ka Zona. Toho ya likopano kaufela ne isina kalabobo.

⁴⁵ Kacwalo za lyanganisa ba Sanhedrin, mi ba biza Bañoli kuli ba ba to batitisa sateñi. Mi ba bala likale la Mika, mupolofita ya na bulezi kuli, "Wena Betelehema, kana ha u yomunyinyani kwa malena kaufela a Juda (yo munyinyani), kono ku wena ku ka zwa muzamaisi yaka lisa sicaba sa Ka, Isilaele." Mi kasamulaho Mañolo amano balwa (mi ni ku pakiwa fapila meeto a bona), niteñi ne ba si ka A lumela, ni haike inge Mañolo na bulezi cwalo. Ni kakanya hahulu haiba kacenu ne ba ka bona, haiba Mañolo a sepiselizwe lizazi le akona ku iponahaza. Hakulata ha ni na ku kutaza ku mina hape, kono, kono Ni bata kuli mu ikutwele taba ye. Niteñi ne ba si ke kulumela!

⁴⁶ Butali bobutuna bwa Ndate bueza kuli butali bwa mutu bukuba hahulu kuli mane bwa nyanyifaza mutu. Utahanga fa sibaka fo mutu uikutwa hahulu kuswana ka zae, mi ha ki yomutuna hahulu kuli aitumelele ha "fosize." Yena u sa pila ni likande la hae, hakuna taba kamba Ndate u paka cwani kuli Linzwi la Hae ki la niti mi Usweli kueza fela za Na sepisize kueza. Mutu unahana kuli butali bwa hae bu ipitezi hahulu ku Mulimu, haiba ha bu tahi kuya ka butali bwa hae, "Kiñi, Ha bu cwalo." Yeo ki niti mwa lusika ni lusika, ku sa inzi ona cwalo. Mwabona taba yateni mo ne ibezi ye swanelia, cwale?

⁴⁷ Ha ki susumezo ni yeo kwa balisana bani! Mangeloi atuluka ku to ambola ni balisana, Mangeloi a Mulimu kutaha ku to ambola ni sikhwata sa balisana.

⁴⁸ Ha ni zibi haiba mukile mwana ni kolo ya—ya kuambola ni mulisana kamba kuba ni alimuñwi, fa nako nyana? Haiba mutabela cwalo, Ha—Ha ni lati kubulela cwalo bakeñisa ze Ni bata kubulela kasamulaho nyana, kono mulisana shangwe upilanga ni lingu hahulu kufitela mane neba kuseha useha inge lingu (kulila kwazona), u bulela sina ngu, mi u nunka sina lingu. Yeo ki niti, kakuli una ni ngu. Kona fela za ziba, ki lingu za hae.

⁴⁹ Cwale, Linzwi le li pakilwe la Niti. Mi balisana ba, baba ikokobelize, baba si ka ituta... Ha ki likute ni leo, mo li zamaelela hande ni mulisana kuli a amuhele liñusa la ngu ye pepilwe. Ne li si ke la taha ku usili fela kwanda ku mulisana. Kona za na pepezwi mwa sicelo, mi isiñi mwandu. Lingu ha li pepelwangi mwa ndu, kamba mwa sibaka sa sipatela sesi

kabisizwe ka mubala wa pinki. Mwabona? Li pepelwanga mwa mulaka, ni mwa masimu.

⁵⁰ Ki kabakaleo ha Na *etelezwi* kuya kwa Kalvari. Hamukoni kueza kuli ngu i zamaye kuyo punya kwa libulaelo. Kana mwa ziba cwalo? Mwa libulaelo, bana ni puli ye etelelanga ngu. Mi ha ifita fa sibaka sa libulaelo, ya tula mwateni ni kumata kusiya ngu inosi mwahali. Ngu ina ni ku eteletwa, haikoni ku iketelela iliyona. Kacwalo, he, ne kuli swanelo kuli mulisana atahe kwa lingu... za hae. Hane ba fumani mwana yena Mulimu mwa mibili wa mwana ona cwalo fela mulumiwa mwa na bulelezi kuli Ukaba cwalo, mi ha ba to fumana Liñusa la mulumiwa le mwa sicelo, handende koo Lingeloi ne li bulezi kuli kona mo ne Li ka bela.

⁵¹ Cwale, Na utwanga batu habali, “Lingeloi li bulezi kuna, se Lili, ‘*cwana ni cwana*.’” Ha ki bukuba ni boo linako zeñwi; mi Ni utwile batu ba bulela kuli Lingeloi li bulezi ni bona, ni kuba bulelela kuli “*cwana ni cwana*” sene si shutana luli ni Linzwi. Cwale, kana Lingeloi ne li ka eza cwani zeo? Halikoni fela kueza cwalo. Mi haiba Mulimu a ku bulelela sa *kuli-kuli* si ka ezahala (*u li* Na ku bulelezi cwalo), mi ha si ezahali, kona kulik ne si Mulimu ya na bulezi ni wena. U hupule fela, yeo kona niti. Mulimu ha pumi. Ha fumanehi mwa buhata.

⁵² Ha ne ba ilo fumana Mbututu, ha ki tabo ni yeo mo ne ibezi kubona. Kakuli Lingeloi le li ba file liñusa, ne ba lifumani handende ka nzila yeo Lingeloi ne li bulezi kuli kona mo ne li ba bela, mi ili mwa sibaka fela mo ne li bulezi Lingeloi kuli kona mo li ka yo bela. Ha ki taba ni yeo mone ilukela kubela ku bona!

⁵³ Mwa sicelo, kiñi? Mubone balisana bani mo ne ba inezi mwa mulaka kusina pilaelo? Mu nahana kuli muituti wa za bulapeli na ka ina cwani mwani? Na ka pyata ngo ya hae, ni kubulela kuli, “A mu ni zwise mwa sibaka se.” Mwabona? Na si ke a ikutwa kulukuluha, na ka ba mwa maswabi.

⁵⁴ Kono, mwa bona, ne li fela “tukuluho yekwanile” kwa balisana. Mulimu wa ziba kwa kuluma Liñusa la Hae. Mwabona? Ona cwalo fela. Mwa muleneñi mo balisana nebali mwateni, mwa sikungu sa bona ni Ngunyana, ili Liñusa le li pakilwe lene ba utwile. Ha ki bunde ni boo! Fapila Mesia, Linzwi le li pakilwe la Liñusa la bona. Mi balisana ha ba utwa kuli Mesia nali mwa lifasi, mi bataha fa pila Hae, ona mwa sibaka sa bona luli, (ni kufumana Liñusa kuba la niti, le ne li pakilwe kwani) baana bani mo ne ba ikutwezi, ka kufumana kuli Mulimu na ba ezelize taba tuna yee.

⁵⁵ Kiñi, baituti ne ba ka swaba hahulu kuba mwa sibaka sani, mwa linako zecwalo, ne ba ka mata mwateni kapili. Kiñi? Numwana na tile kwa balisana ba ba si na kabubo. Mwendì ne ba si ke mane bakona... bani... Babañwi ba balisana bani ne ba sa koni neba kuñola mabizo abona, na kakanya luli. Mwa ziba

balisana ba na ketile Jesu ha Na li mwa lifasi moo, kuli ba lise lingu za Hae, “Wa Ni lata, Pitrosi, kufita bao?”

⁵⁶ “Eni, Mulena, Wena uziba kuli Na Ku lata.”

⁵⁷ “Lisa lingu ya Ka.” Mi Bibele ibulezi kuli Pitrosi nali sitimbi mi ya si ka ituta. U sa keta balisana.

⁵⁸ Ma membala ba keleke ba mazazi a kale ani, ni baprisita, ni katengo ka baituti hande ba lizazi lani ne ba kaba hahulu ni maswabi kuba mwa sibaka sa sicelo sani. Cwale, Ha ni sepi hande kuli buñata bwa mina mwakona ku utwisisa (mwendi, mina sicaba sa mwa bukuwa) mo ne si nunkelanga sicelo sa Majudea, mo ne si bonahalela, inge lifolofolo mwa sicelo sani, mo ne si ka bela. Kiñi, babañwi ba baituti ba kacenu neba ka ikutwa kuba ni maswabi mwa sibaka sani, neba—neba si ke bakena neba mwa munyako. Kono ne si tabisize Mulimu, ka butali bwa Hae bobusafeli, kuli a Li patulule ku baba kona ku Li amuhela. Baituti, ni baana baba butali ba lizazi lani ne ba si ke ku Li amuhela kiniti. Ne ba ka ikutwa hahulu kuswaba kuba mwa sibaka se si cwalo sani.

⁵⁹ Kiñi, ka kukala, ha ne ba ka kutela kwa keleke ya bona, mi neba ka paka kuli ba keni mwa mukopano o cwalo, mi ba lumela sikuwata sa balisana baba si ka ituta kutisa kezahalo yeipitei cwalo, neba ka lelekelwa mwa keleke ya bona. Neba ka lelekelwa kwande a katengo ka Betelehema, ha ne ba ka fumaneha inge bateezea kwa sikuwata se si sika ituta sa batu sani sina balisana mo ne bainezi. Kuswabiswa, luli ne ba ka ba cwalo. Hane ba ka fumaneha ni sicaba se si cwalo se si sina kabubo sani, mi kakuba . . . kuamuhela ze cwalo sina kulumela kuli Mulimu uka tisa Liñusa la Hae kwa sikuwata se si si ka ituta sa balisana, kanti ne ba na ni lika kaufela ze ne ba itukiselize. Neba ka latehelwa ki tumelelano ya bona, neba kafa mapampili a bona, mi kambe ne ba si ke ku zibahala mwahala likwata za bona za lizazi lani; kakuli ne ba fumaneha kwa nto yecwalo yani, mi isi kufumaneha kwa ngana ye ipitei.

⁶⁰ “U nyamatala cwani zeo!” muprisita na ka bulela. “Mu taha mwa puteho yaka kwanu ni litaba zecwalo, ni bukuba bo bucwaloo, batu ba mishitu ba matakanyani kwande kwani ba ba si na . . . baba si ka ya kwa . . . ku za makalelo. Mi ne ba ka lumela liñusa le li cwalo, kuli, ‘Lingeloi ne litile mi kuti li bulezi ni bona?’”

⁶¹ Kono ku cwani kambe mutu na ka bulela kuli, “Ni boni Liñusa la hae ha li pakiwa”?

⁶² Na ka bulela kuli, “Halu bone nikufe kapili mapampili a hao. Mi uwze mwa katengo kaa!” Linako za cinca, kono batu ha ba cinci. Ne ku ka ezahala hape kacenu, ne ba ka nepelwa kwande a likeleke za bona.

⁶³ Kono balisana baikutwa kulikana handende mbombolelwa mwa sibaka sani ni Ngunnyana wa Mulimu. Mi mulisana yomunde

kaufela ueza lika zeswana. Mi mulisana yomunde wa lingu ha bona Linzwi la Mulimu patalaza ni kupakiwa, ka sa Na sepisize kueza, mulisana yani u ka lukuluha. Hanina taba ka sa bulela mutu ufi kaufela, zeo ki kuli “Mulimu u Li sepisize, mi hape Mulimu u Li ezize.”

⁶⁴ A ba kali, “Mazazi a limakazo afelile. Hakuna nto yecwalo sina Kolobezo ya Moya. Hakuna nto ye cwalo ya kuli Kolobezo ya Moya o Kenile, yani neli ya baapositola.”

⁶⁵ Kono mutuhele kuli mulisana wa niti wa Linzwi a Li kutaze, mwa mata a zuho, kuli Jesu Kreste ki ya swana maabani, kacenu, ni kuyakuile! Pitrosi naize ka lizazi la Pentekota kuli, “Sepiso i ezelizwe mina, ni bana ba mina, ni babali kwahule kaufela, mane ni babañata ba ka lata kubiza Mulena Mulimu wa luna.” Kaufela Kw'a biza, sepiso ni mbuyoti yeswana ki ya niti. Mi mutuhele kuli mulisana wa Linzwi ya ziba kufulisa lingu hande ya pakilwe, baituti kaufela ba za bulapeli mwa lifasi habakoni ku Li zwisa kuyena; kakuli u ziba mwa bulelezi Mulimu kuli ki cwalo, mi kwa ezahala. Ku felile. Ki Linzwi la Mulimu fela kamita. Linzwi la Hae liezizwe nama mi a pila mwahala bona, kono ba tokwa ku Mu lemuha.

⁶⁶ U sepisize lika zeswana mwa lizazi le. Ha ni zibi haiba lwa Li lemuha? Ba ikuhumusi ni baba butali ne ba si ka amuhela sika se si cwalo sani. Mi ne ba lumela kuli kambe ne kukaba nto yecwalo ya kuli Mesia mwa lifasi, Luli ne li ka taha kwa kopano ya bona. Ne i kaba kuli sikwata sa bona ne si ka Li amuhela, kamba “Ne i si ke kuba niti.” Cwale, munahane fela katata. Haiba ha li yo mwa sikwata sa bona, konakuli . . . Kikuli mulemuhiile, kanti? Mulimu na si ka keta ufi kaufela mwa sikwata sa bona, kono U ketile yani ya si ka swalisana ni sona. Kakuli sikwata sesiñwi ne si ka bulela kuli, “Mwabona se lu ezize?” Mi ne ba ka eza zeswana ni kacenu. Kono Mulimu uketanga baba sina kabubo, kona za Na ketezi balisana. Balisana ne ba ikutwa fela hande kuba ni ngunyana ya Mulimu mwahala bona, Linzwi la Hae le li ezizwe nama mwahala bona. Baikumusi ni ba babutali ne ba si ka Li amuhela, ne li ba fitelezi.

⁶⁷ Mi lwakona kubulela zeswana ni kacenu, kamba mwa lusika lufi kaufela. Ne li nto yeswana mwa mazazi a Martin Luther. Ki nto yeswana ni mwa mazazi a John Wesley. Neli lika zeswana mwa mazazi a Mapentekota. Kono Mulimu ha yemeli kopano ya mutu! U zamaisa Moya wa Hae ku to paka Linzwi la Hae! Ne i lukela kuba cwalo ni kutaha mwa sikwata sa katengo ka bona kusi cwalo ne ba si ke ba I amuhela. Ka mo ba bezi hahulu ni litoho tata, mwahala likeleke kaufela, kuli ba ka “eza sa *kuli-ni-kuli*, ni ku kopanya likeleke kaufela hamoho.” Haiba ba bata mulumiwa cwale, yakona ku tamahanya Baipanguli kaufela, Bakatolika ni Orthodox, lika kaufela hamoho, kueza keleke iliñwi yetuna.

⁶⁸ Cwale, mizwale, Ni bile ni litohonolo la ku kutaza kwa bulapeli bo bu eza mianda anda, mi kuna ni baana babande mwahala bona kaufela. Kono cwale, mu bupule, Na polofita, “Katengo kaufela ka lukela kuamuhela se, kamba kasike kuba katengo. Ki ka ku mi hapeleza.” Kana mubalile mutende wa Tucson kacenu koo baprisita ba Katolika batusa kwa kubeya batu fa bueteleli, mwa mutende... kutusa kubeya fa bueteleli, mwa Missouri, mukutazi wa linzwi wa Muipanguli? Mi neli mañi yana li lemuha? Presbyterian, Baptist, Lutheran, ni Assemblies of God. Li mwa mutende wa ba Tucson kacenu.

⁶⁹ Oh, kinto ye komokisa! Ha ki mutu ya li mwahali mwani, ki zani litoho za balapeli ba muuso baba kopamisa lika zefumaneha mwani, mulao o mi kenya ku zona kamba mwa bata kueza cwalo kamba nee. Ha mukoni kuba kopano ni kamuta ni kubanduka buhali bo butahela lifasi, mi mubone haiba yeo ha ki niti. Nikabe niile hakulata zeo ha li ta ezahala, mu ka bata bata iliñwi ya matepu aa. Mi cwale haiba ne si cwalo, Ni paki ya buhata. Haiba nekuli cwalo, Ni bulezi Niti.

⁷⁰ Ne ba ka Li biza kuli “ki moyo o maswe o maswe o beleka ka mufuta omuñwi” kushutana ni kunahana kwa bona hande. Mu utwanga hahulu zeñata kacenu ka za kunahana hande: mubeya fela muhupulo wa mina fa sika kaufela, ni kunahana hande ka sona. Diabulosi wa kona kueza cwalo! Kuna ni fela nto iliñwi ye sweli ku hatelela kaufela, mi nto yeo ki Linzwi la Mulimu. Haiba u nahana ka kushutana ni Linzwi, libala minahano ya hao. Nahana fa Linzwi.

⁷¹ “Mesia,” ba hupula kuli, “na si ke a fumaneha mwa sibaka se si cwalo, sa busafa bobucwalo bwani.”

⁷² Munahane fela kuli muituti yomunde, wa zabulapeli muprisista yomutuna, kamba muluti wa za bulapeli, ya talifezi mukwazo ku za bulapeli, akone kutaha akene mwa sicelo mo kutezi musitelo? Ni ku amuhela Liñusa la mulisana ya shebile wa mubotana ya si na tuto, mi na ka bulela kuli “Bona, Na kona ku Li bonisa ku wena, yo ki yena Mbututu, yo ki yena Mulumiwa”?

⁷³ Mi mwa ziba sene ba ka bulela batu bani? “Muuna yo wa sepahala, ki ya sepahala luli ku Za bulela, kono awa luli u lyangani!”

⁷⁴ Ni boni batu ha ba pila bupilo bo bunde cwalo kufitela sicaba si palelwa kulumela, hakuna ze si kona kubulela ka bona, kono ba li “U fosa maswe a sa zibi. Fela ha zibi zasweli kubulela. Mulimu, Hakoni kueza lika nto ye cwalo.”

⁷⁵ Kono fa neba nani bupaki! Mi kasamulaho wa bupaki, “Baya kwani mwa sicelo mi ba bone haiba Mbututu yani ha si ka lobazwa fani.”

⁷⁶ Ne ba kali, “U loilwe ka moyo omuñwi o maswe, o ku bulelisa ze cwalo.” Ibo neli kuya ka Linzwi la Mulimu! Mi ne ba li libofu

hahulu ku Li bona, kakuli lituto zabona za bulapeli ne li ba foufalilze. Ha ki butata ni boo!

⁷⁷ “Na swelwi mwa sibaka se si cwalo? Mwa butata bo bu cwalo sina mo ne kuinezi? Mwa sicelo?” Kanti ne ba na ni sibaka sesinde sa Hae kuli batahe kusona, ne ba Mu itukiselize kutaha kwa Hae, mi cwale ka kunahana kuli Na ka taha fafasi (ni kuya) kusina kutisa baluti ba bona Liñusa. “Mi ne Li ka fiwa kwa balisana baba si ka ituta naa? Mi ni kutisa Mwana Hae, ni kuli Apepelwe mwa—mwa sicelo? Sicelo se si zibahala fela? Kihande, neli mwa—neli mwa sicelo sa bucwaní? Kiñi, ne ku si ke kuba cwalo!” Ne ba sa Li lumeli, kakuli neli Ze bunolo hahulu.

⁷⁸ Mi Ki nto ye bunolo hahulu, cwalo kona mo ba Li nahanelia kamita baba butali. Ki ze bunolo hahulu, Za ba lyanganisanga. Ne ba bata nzila ya Mulimu kwani, kanti Yena inza li mwahala bona moo. Mwabona? Basweli kubata sesiñwi kwahule, kanti inge li liteni ni bona ona fa cwale: Kreste, u zuhile kwa bafu, wa swana maabani, kacenu, ni kuyakuile.

⁷⁹ Litaba zabona kaufela zetuna ba li fitelela. Kono luli ne li Niti, kuli “ne ku na ni Mesia.” Lwa ziba cwalo kacenu. Lwa lumela cwalo kacenu. Lwa li amuhela kacenu.

⁸⁰ Kono he haiba Mulimu u sepisize nto yeñwi ya Kilisimasi ye, u sepisize nto yeñwi ya lizazi, ni kubonisa kuli Ku cwalo, mi lu sa itamaela kuzwa ku Lona, lu mwa sitopa fela se si swana sina bona mo ne ba bezi (kwa mulaho kwani ka lizazi lani) ba Li fitelela; kakuli ha Li tahi mwa—ha li ezahali kuya ka mubonelo wa kopano yaluna. Kona ha luli mwa butata bo bu cwalo bwa Kilisimasi.

⁸¹ Jesu Kreste ha si ka shwa, Wa pila. Uteñi mo kacenu! Bibele iize, “Ki ya swana maabani, kacenu, ni kuyakuile.” Na ize, ku Muñoli Joani 14:12 kuli, “Ya lumela ku Na . . .” (isiñi ya likanyisa kulumela, ya *bulela* kuli wa lumela) “Ya lumela ku Na, misebezi ye Ni eza uka ieza ni yena. Mane yemituna ku ye ki ya ka eza, kakuli Ni ya ku Ndate.” Mi Ni Mu boni, mwa bupilo bwaka tota, ha eza misebezi yeswana (ya Na ezize linako zani) kufita zeñozwi mwa makepe a Bibebe ye. Mi liya fahalimwa litho ni ba ngana kacenu, mi lipatululelwá kwa limbututu zekona kuituta; sina Jesu ha na ba lapelezi. Ki niti, U ezize zeñata kufita mane Zaezize . . . Ni boni mwa lizazi la ka, ka myaha yaka ye mashumi amalalu ni zetalu za bulumiwa, Ni Mu boni haeza zetuna kufita ze Ni balile ka Yena aeza mwa Bibebe; kizetuna za litaba zeswana.

⁸² Kono hakuna taba kamba Na ezize sikamañi nako yani, kikuli munahana kuli Sanhedrin na ka Mu lumela? “Kihande,” ne bali, “u loilwe.” Kono, mu batisise, ko ne ba ezize mafosisa abona ne li kufumana haiba . . . mwa kufumana isi ze ne ibulela tuto yabona ya milapelo, kono sene li bulela Linzwi kuli Mesia kona sa ka eza mwa lizazi la bona. Mi foo kona fo lu ezeza

mafosisa kacenu, ha lu balangi Mañolo. Jesu na ba bulelezi, “Mu balisia Mañolo, kakuli musepile ku fumana mwateni Bupilo Bobusafeli, bo ki Ona a paka za Ka. A mi bulelela Yo nili Yena.”

⁸³ Mulemuhe, Mulimu na zibile kale kuli ba ka eza se, kona *libaka* fela ha Na Li isize kwa balisana. Na ziba kuli ne ba si ke baeza cwalo, ne ba si ke ba Li amuhela. Cwale kana mwa bona libaka hane ibile balisana? Kiñi haiba balisana? Baituti ba za bulapeli ne ba si ke ku Li amuhela. Kiñi haiba balisana hape? Kana Ne li ka taha ka kushutana ni Linzwi la Hae? Batili! Ne li balisana, ne ba ziba lingu; mi kona sa Na pepezwi, ali ngu, ili ngunyana. Mulemuhe, Nali Ngunyana. Nebali—nebali fela mufuta fela unosi o no ka Mu amuhela. Mulisana na li yena anosi fela ya na ka amuhela Ngunyana. Ne ba ziba mwa ku Li babalelela, mi kona mo kuinezi kacenu ha lu amuhela Liñusa la Ngunyana.

⁸⁴ Cwale ze komokisa! Ze utwisa bunde luli, mutu ya si ka ituta kuli a kubamele Emanuele mwa sicelo se si cwalo. Ze ipitezi... Mi ne ku na ni batu kwani, ka mazazi a swana, be ne ba luta lituto zabona za bulapeli. Likwata zetuna, ze zwa kai ni kai, kwa maneku kaufela a lifasi, ba taha kwa litabelo za na bulezi Jehovah kuli neli “munko o nunka bumaswe mwa lingo za Hae.” Mi fa ne ku na ni balisana baba ikokobelize, mwa sicelo, inge ba kubamela Emanuele; Mulimu Kasibili ya ezzizwe nama, mi inza lobezi mwa sicelo. Mwabona, ka mo luna ni kuituta kwaluna ko kutuna, ni litoho zaluna za kangola kwa mulaho inge kuli ku na ni ze lu ziba, mi Mulimu ufitelela taba yateni kaufela. Mwabona? U ezanga Sa sepisize kueza, mi kamita Uezanga ona cwalo. Kono munahane ka balisana baba musa ba kwande kwani cwale inge ba kubamela Eman-... Emanuele mwa sicelo. Ki nto ye komokisa hahulu. Luli ya komokisa!

⁸⁵ Mi bazwa... Kasamulaho bamano Mu kubamela, ni kulemuha kuli Liñusa lene ba bile ba kutaza ne li patalizwe, ki bao foo... nebali kwande inge ba lumba Mulimu bana ni Liñusa le linde kufitisisa la Lingeloi. Cwale mubapanye seo ni kacenu. Muyeme fela fa muzuzu ni kunahana. Mütü ali kwande inza lumba Mulimu, ni ku Mu lumba ka sa na boni, sene ba utwile, se ne ba zibile kuli neli Niti, ni Liñusa le li ipitezi kwa ngana ya butu. Ne li shutana kwa minahano ya za bulapeli kaufela, kono niteñi ne li Niti! Ki yona Niti! Ne ba Li lumezi. Mi cwale, butali bwa mutu mo bukona kubela bukuba! Mi ni kubulela kuli sikwata sa baopeli ba Mangeloi ne si opezi kubona pina yapili. Mu nahane fela cwalo? Kuli mulisana yana sa koni kuñola libizo la hae, ya na nunka inge mulaka wa ngu, inza zamaya mwa mukwakwa, inza huwa kuli, “Kanya ku Mulimu kwa mahalimu a kwa Halimu! Lu ziba kuli U mwa lifasi!”

⁸⁶ Muprisita ali, “Muuna yani u lyangani mwa munahano wa hae. Mutualime fa libuka mi mubone haiba ki membala wa kopano ya luna. Yena luli wa lu swabisanga ka lituto za hae ze si

ka luka. Mu muise kafoo. Haluna kuikutwa kuswaba mwahala sicaba."

⁸⁷ Kihande, wakona kuswaba mwahala sicaba ni kufiwa kanya fa meto a Mulimu; kamba ku amuhela keto ya hao, kakuli, muhupule, maikuto a za bulapeli a lizazi lateni ha zamaeeli ni Linzwi la Mulimu. Hakuna mianda ye naini ni sikisite naini yeshutana ka Yona. Ki maikuto alimañwi, Linzwi lililiñwi, Mulimu alimuñwi. Ku felile.

⁸⁸ Kubulela kuli Mangeloi na opezi pina ya kilisimasi ya makalelo kubona, mi hape ni kubulela kuli ba "amuhela Liñusa le lizwa kwa Lingeloi." Lingeloi la bonahala ku bona, la bafa Liñusa, mi ba yo fumana kuli Liñusa neli la Niti. Ni kubulela kuli, "Kwanda zeo, Lingeloi ne li opela pina ya pili ku luna."

⁸⁹ "Kana mwakona kunahana?" Ba li, "Mutangana yani." Ne ba sina sika se si cwalo kuli si ezahale mwahala bona, mwa ziba, kacwalo neli tuto yenca ku bona. Mi leo kona libaka ha ne ba si ka Li fumana mwa Mañolo, ne si za bona kuli ba Li batisse. Ki ze komokisa babutali, nekusina sika se si cwalo se si kile sa ezahala kubona. Ne ba sa lumeli, kono niteñi Ne li Niti. Ki Niti, lu ziba kuli Ki yona Niti. Munahane! Balutiwa bapili ba Kreste mi kopano yapili neli baana ba lingu, isiñi baana ba za bulapeli; balisana, balisana. Kiñi haiba balisana?

⁹⁰ Mulemuhe! Kwande inge ba lumbeka ni kulisa Mulimu ka ze ne ba boni ni ku utwa, ba utwa Mangeloi inge a opela ka nako yabona yapili kwa batu. Mangeloi na si ka opelela kale batu haisali. Mi mutualime sikuwata sa baopeli, mo ne ba yemezi ni kuituta ni kuituta mwa kuopela ka manzwi a ona, "ne ba ti lo opelela kupepwa kwa Mesia," mi kaufela bona a fitelelwa! Mi Mangeloi atuluka ku to opelela balisana ba ba si na libubo, baba si ka apala liapalo za bukutazi, kono ba apezi liapalo za bulisana. Mi mutualime baba amuhela Liñusa lapili, kinto ye komokisa.

⁹¹ Ni ko ne li filwe, isiñi mwa miyaho ya lisebelezo, kono ne li mwa lihalaupa, kwande koo mwa lihalaupa ko ne kutile Mangeloi a Mulena. Isiñi mwa keleke, mwa lihalaupa. Na si ka a muhelwa mane mwa keleke. Ne ba hupula kuli u amuhezwi, mi ne ba hupula kuli bana ni Zona, kono Mulimu a bonisa kuli ne li fosahalile. "Wa kona kuzusa bana ba Abrahama kwa macwe aa." Yeo ki niti.

⁹² Nako yapili yeo Mangeloi akile aopela fa mukiti, neli mwa Lihalimu. Haiba mu ka bala mwa Jobo 38:7, (sina ha Ni bona kuli mina babañwi musweli kuñola), mi Mulimu ha na lelide pili kubupa pupo ya Hae yapili, lona lifasi. Jobo neli yomutuna, muuna ya butali, mi nana ni butali bwa mifuta kaufela. Ki hali, "Ha Ni ya kwa misika, malena, kaufela bona ba ni kubamela, mi ba bata fela kuteeleza fa nako nyana kwa butali bwaka." Mi na palelwa kulemuha libaka la na ezezwa cwalo.

⁹³ Mi kacwalo Mulimu a mu buza, ali, "Itame lukanda sina muuna, kakuli Na tuluka kuli ni ambole ni wena." Mi cwale Mulimu a tuluka mwa kakundukundu, Ki hali, "Jobo, no li kai Ni si ka toma kale mitomo ya lifasi? Fani linaleli za kakusasana ha ne li opela hamoho, ni bana ba Mulimu ha ne bahuwa ka tabo, no li kai kanti, Jobo?" Mi na komokile ka nako yani. "No li kai?"

⁹⁴ Mwabona, nako yapili Mangeloi akile a opela kwa mukiti, neli mwa Lihalimu. Kono nako yapili ya kile a opela mwa lifasi, neli kwa balisana fa kupepwa kwa Mulimu, Emanuele fa lifasi; libupiwa zapili za batu ha li kile za utwa Lingeloi kuopela, neli balisana ba ba shebile bani.

⁹⁵ Ha lunga bahame baluna baba ipentile lifateho, kukuta milili, kutina tuputula, ni ku zukuza lisila la keleke kubona, ni kuyema ni kuopela inge sika sesiñwi cwalo, mi kipeto lu nahana kuli Mulimu uswanela ku teezeza ku zeo? Una ni Mangeloi ka foo akona ku Mu tabisa kuzwa... mane A si ka bupa kale mutu. Uh-huh. Kuzwela kwande ni kupila... ni kuapala liapalo ze swabissa ku Mulimu, mi cwale ukona cwani ku kulubela zani kuba za Mulimu? U li, "Kihande, Ni wa siemba sa..."

⁹⁶ "Noli kai ha Ni toma mitomo ya lifasi? Ni bulelele fo Ni i tomile. Si kai sibaka se ba kona kufetuhela teñi? No li kai nako yani?" Mu nahana kuli Mulimu uswanela ku lu kupa butali. Butali bwa luna ki butanya ku Yena. U ezanga Sa bulela kuli Uka eza.

⁹⁷ Cwale amulemuhe, Mulimu u bata kubupa pupo yeñwi. Na bupile lifasi mubu, bupilo bwa lifasi. Mangeloi a opela mwa Lihalimu. Kono fa Uswweli kubupa Bupilo bobunca, Bupilo Bobusafeli bwa mutu, mi Uswweli kuopelela kwa libupiwa za Hae ka Mangeloi; fa lifasi, isiñi mwa Lihalimu. Lihalimu nelina ni Bupilo Bobusafeli. Mwabona? Mi A opela... a opelela kwa Lihalimu, fani pupo ya lifaswi mubu ha i taha mwateni; mi kulo fa pupo ya lifasi mubu ya taha mwateni, mi cwale basweli kuopelela kwa sicaba sa lifasi. Nako yapili, kwa balisana. Ha ki ku komokisa ni koo, nji cwani?

⁹⁸ Na kalile pupo yenza. Neli sikamañi? Pupo ya Hae kasibili. Mulimu na eizizwe nama ni kuyaha mwahala luna. Zeo ki kuli... Bibe iize, "Kwa simuluho a pupo ya Mulimu." Mulimu a ezwa mwa sibupiwa sa mutu; ku Jesu Kreste, Mwana Hae, Mulimu apila kuyena. Na yahile tabernakele ya Hae ya nama ni masapo, mi apila mwa tabernakele yani; Mulimu, *Emanuele*, "Mulimu una ni luna." A i kahela ndu ili Yena, ya kupila kuyona, kuli Akone kubonahalisa Linzwi la Hae kwa libupiwa za Hae ka sani. Mwa ziba seo Mulimu ali sona, ha mubona Kreste.

⁹⁹ Muhupule, kubanga kuopela kamita fa kupepwa kwa mulena kaufela. Ki ba bakai baba ziba cwalo? Eni sha, mwa ziba. Kihande, cwale, ki kuli munahana kuli haiba Mulena yo na ka pepewla kwani, musali na ka taha inza mata ni kukena

mwa muyaho wa litapelo kokuñwi, ni kubulela kuli, “Ku lukisa bulobalo kapili, ni kunga madokota, kakuli Ni ka tisa Emanuele mwa lifasi”? Musali wa mubotana yazwa mwa Nazareta, munzi o mwatasi hahulu, wa...likatazi kufita Tucson kamba yeñwi yazona kaufela, mi ibo musali nyana yo ataha inza mata kwani ku muprisita yomuhulu ni kubulela kuli, “Ni—Ni fa kaufi ni kutamuluha ni puluhe Emanuele.” Ne ba ka mu nepela mwa tolongo. Kaniti ne ba ka eza cwalo. Luli ne ba ka eza ona cwalo. Ka taba ye zina mayemo yeo kuli itiswe mwahala sicaba sa hae, na si ke a li yemela zeo. Mane neba kacenu hakoni ku li yemela. Kono ka kuswana fela lisweli za ezahala, ka kuswana.

¹⁰⁰ Mulemuhe, ku lukela kuba kuopela. Malena nebal... Na sa lukeli kuli ba mu opelele. Sicaba ne si si ke sa Mu opelela, kakuli ne ba sa Mu lumeli. Mi leo kona libaka... Ki Leo lataha, kihande mu i kutwele Zona. Leo kona libaka kacenu batu ha ba swaba kulumba Mulimu, baswabela Kreste! Miyaho yemituna ya milapelo neiske kuamuhela Kolobezo ya Moya o Kenile, ba inzi hahulu mwa nzila ya bulapeli bwa bona kuli habana ku Li amuhela. Mulimu uka fumana mutu yo Akona kuba ni tumbo ka yena. “Wa kona kuzusa bana ba Abrahama kwa macwe,” sina ha Ni bulela manzwi a Joani hape.

¹⁰¹ Mulemuhe, sicaba sa Hae si lukela kuopela ku Yena. Mi sicaba sa Hae cwale neli Mangeloi a Hae, mi a opelela kwa balisana ba Hae bene ba lukela kufiwa Liñusa la Hae.

¹⁰² Ki mañi ya lukela ku Li utwa pili? Eeni sha, ki sicaba sa Hae. Bao kona baba lukela ku utwa lipina za Mulena pili ha li opelwa, ilukela kuba sicaba sa Hae. Mi kana sicaba sa Hae neli sifi? Kinto ye komokisa batí, nji cwani, mizwale? Ne si baana ba hae ba za bulapeli. Ne si baituti. Yeo ki niti. Ne si batu ba likopano. Batili, ne li balisana. Kiñi? Ne ku na ni ngunyana ye ne pepilwe, leo kona libaka. Mwabona? Sicaba sa Hae sa Li utwa, bao Mulimu na ziba kuli ba ka lumela. Mulimu na lumile Liñusa la Hae ku babane ba ka Li lumela. Yena kaufela ki butali; Wa ziba kwa kuluma Liñusa la Hae, ki mañi ya ka Li lumela. Lihalimu la kwa Halimu la lumela mutu kwatasi a lifasi la batu.

¹⁰³ Jesu naize, mwa Mateu 5, “Mbuyoti ki ya baba ikutwa bubotana mwa pili, kakuli Mubuso wa kwa Lihalimu ki wabona.” Maria, mwa...Haiba musweli kuñola Mañolo ao cwale, yeo ki Mateu 5. Mi haiba musweli kuñola Mañolo... Zeo kona ze Ni ñozi fa, ki Mañolo.

¹⁰⁴ Maria naize, mwa Luka 1:52, ha na tozizwe ka Moya, ili Moya o Kenile ku yena, Ki hali, “U hulisize ba ba ishuwa.” Ki Maria ya na bulezí cwalo, yena mahe Jesu, kuli, “U hulisize baba ishuwa.”

¹⁰⁵ Luka hape naize, “Sicaba se si sina kabubo ne si tabela ku Mu utwa.” Isiñi ba—ba ituti, ba—ba baituti ba za bulapeli, madokota ba mulao ni ba za bulapeli; kono haili sicaba se si sina kabubo ne si tabela ku Mu utwa, batu ba ba ishuwile.

¹⁰⁶ Mwahala Mañolo kaufela a kenile, Liñusa la piliso li filwe ki balisana ni ka lingu.

¹⁰⁷ Cwale Ni lukela kusutelela kwa kukwala, kakuli lu atumela nako ya ku kwala. Ni sweli kufitelela Mañolo amañata kuli Ni kone ku mi fitisa fa muhupulo wo.

¹⁰⁸ Mwahala Mañolo kaufela, piliso ibonisizwe ka balisana ni lungu. Yeo ki niti. Kaufela lwa lumeliana ni seo. Kiñi? Neli mwa muluti ni mwa mufuta. Mi sika kaufela... Haiba Na li kuba ni bone fateni lizoho laka, mi Ni talimafafasi fa muluwi wa lizoho laka, mi Ni bona kuli Ni na ni minwana ye ketalizoho, Ne ni ka ziba kuli ya bonahala; muluti no ka bonisa lizoho la niti. Mi kona libaka Liñusa ha li tahelanga... puluso ka lingu, kakuli kuzwa kwa simuluhu luli... Mi neli mwahala lingu, ni ka balisana, kuli Na ipatuluzi ili Yena. Kaufela neli miluti ni mifuta.

¹⁰⁹ Cwale ha lu talimeñi kwa simuluhu. Adama ni Eva, inge ba yemi fani fapila Mulimu kuli ba utwe Liñusa la Hae ku bona, ne ba i kezelize liapalo ni kutina mwa liteka ka boyo bwa ngu. Liñusa la pili le li kile la utwahala, ne li filwe fa halimwa ngu ye shwile, yeo Mulimu na bulaire ni kutateza Adama ni Eva ku yona. Kasamulaho ba ma no ikezeza bulapeli bwa bona bwa matali a lifeiga, bo ne bu si ka beleka. Sitabelo sa lingu ne si tisizwe kuba sa kuyolisa kuzwa kwa simuluhu luli, sitabelo sa ngu.

¹¹⁰ Cwale, lu ka kwala cwanoñu nyana fa cwale, ni ku mi bonisa libaka ha ne ibile balisana; mi ni libaka ha ne iba ni kuba cwalo, Yena nana ni kuba ngu.

¹¹¹ Cwale, bapolofita ba Testamente ya Kale ne ba tinanga matalo a lingu (lwa ziba cwalo, uh-huh), kubonahalisa tumelo ya bona mwa Linzwi la Hae la kutaha kwa Ngunyana ye petehile. Kona libaka ha ne ibile bapolofita.

¹¹² Cwale, Linzwi la Mulimu ha li tahangi ku muituti wa za bulapeli, hakuna sika... yena—yena ya ka Li lyanganisa yoo. Yeo ki niti. Hakuna nto yecwalo inge kubulela kuli... U bulela kuli, “Kihande, mucaha yo ki muituti wa za bulapeli.” Seo si mu isa fela kwahule ni Linzwi kufita sika kaufela se Ni ziba. Mwabona? Linzwi la Mulena Mulimu, yena Mulimu ya sa cinci, ha cinci ni kamuta. Kai ni kai mwa Bibele, Linzwi la Mulimu kamita ne li tahanga kwa bapolofita. Isiñi kwa baituti ba za bumulimu kamba madokota, kwa bapolofita! Mi bona kamita, nako kaufela, ne ba haniwa ni ku ketululwa.

¹¹³ Bapolofita hañata neli balisana ni bona hape. Bapolofita ne ba apala matalo a lingu, kakuli ne ba tinanga matalo a lingu ze ne ba lisa. Mi liñusa la pili, kwa—kwa—kwa lusika lo lu nyazizwe, neli fa halimwa matalo a lingu. Bapolofita, Na kutela hape, ne ba tina matalo a lingu ni kuikapessa ili bona ku ona, kakuli ne ba fa bupaki ka zani, kuli ne ba lumela kuli kuna ni Ngunyana ya na taha ya petehile wa sitabelo sani. Mi Linzwi la Mulimu la taha kubona fahalimwa lingu matalo a lingu. Balisana bani...

kamba bapolifita bani ne li balisana. Abrahama neli mulisana. Isaka neli mulisana. Jakobo neli mulisana. Mushe neli mulisana. Davida neli mulisana. Kaufela bayemeli ba Mulimu buñata bwa bona neli balisana.

¹¹⁴ Cwale lu ka fumana libaka ze ne litezi kwa balisana. Ne ba ziba kuli lingu halikoni ku icemela kusina mulisana wa ku lizamaisa. Zona...ngu mane haikoni ku itusa, haikoni ku i tamaisa inosi. Kona libaka Mulimu ha swanisisa bana ba Hae ba balumela kwa lingu. Ba lukela ku zamaiswa. Kono utokomele se si ku zamaisa! Usike wa ikungela puli, i ka ku kenya mwa libulaelo. Mulimu ha koni ku lufa puli, Na lufile Mwana Hae (ili Moya o Kenile) ku lu zamaisa. Ki yena Muzamaisi wa luna, isiñi mulisana ya ezizwe ki mutu fela, kono mulisana ya filwe ki Mulimu ya fepa lingu ka lico za lingu.

¹¹⁵ Cwale, ha unga kulube, mi u bulelela kulube yeo kuli, “Ni ka ku eza ngunyana.” Mi kipeto wa itapisa. Ni kuipenta kwa manala, mi—mi ni zeñwi cwalo. Ni kuifa lico sina ngu, ku ifa lico za mufuta omuñwi cwalo za—za kuca. Ni kuibeya fande fa bulilo kamba fande mwa... ko ku sweli kufula mutapi wa lingu, mwa simu ya bucwani kamba nto yeñwi. Mi haiba ku na ni musima wa sileze, kulube yani ika yo tupwikela fela mwa musima wa sileze wani mo ikonela fela kuyela kwateni. Mwabona? Kiñi? Kakuli sibupeho sa yona ki sa kulube.

¹¹⁶ Mi leo kona libaka ma membala ba keleke, kacenu, ha ba ikenya mwa lika za lifasi, mwabona, kakuli sibupeho sa bona ha si si ka cinciwa kale. Ba ka ca mufuta kaufela wa za bulapeli, ni sileze sa za bulapeli, kono haili Linzwi la Mulimu ha ba na ku Li yemela. Ba ka yo teeleza kwa Linzwi...

¹¹⁷ Mwa ziba, muipi yomutuna kufitisa mwa lifasi, ki liñwalala. Mwa Bibebe, ne ku na ni zepeli ze ne zwile mwa areka. Liñwalala lani la zwela fande mi ne li si ka kuta, kakuli ki linoñu, ki muci wa ze ishwezi. La yo lula fa mibili ya litupu zeshwile ni ku kulisa mba ya lona ni litupu ze shwile. Kono ha to luma nkwilimba kuli iye, nkwilimba yani ya palelwa kuyemela munko wani, kacwalo ya kutela kwa ndu ya Ndate ni Nuwe, ni ku ngongota fa munyako kufitela Nuwe a i kwalulela.

¹¹⁸ Cwale, liñwalala lakona kulula fa ni kuca nama ye ishwezi ya mbongolo, musihali kaufela, ni ku fufela kafoo mwa simu ku yo ca bubeke hamoho ni liiba. Kono liiba halikoni kufufela kwateni ni ku yo ca nama ya mbongolo ye ishwezi, mi hape i to ca ni bubeke; zakona ku i bulaya. Mwabona, halina nyoko ni yekana, mi halikoni ku li kaya.

¹¹⁹ Mi cwale nkwilimba ifi kaufela ya Mulimu, nkwilimba ye twaezi kuca Linzwi kamba ngu, sibatana se si kenile, ha mu ka lifa lika za lifasi, li ziba kuli Mulena zona uize, “Ya lata lifasi kamba lika za lifasi, lilato la Mulimu mane haliyo neba ku yena.” U mufe se si shutana ni Linzwi la Mulimu lani, hakoni

ku si yemela. Kono diabulosi wakona kuamuhela Sani ni lifasi hamoho, ni ku libiza kaufela kuli ki za Mulimu. Haukoni ku kopanya oli ni mezi, halina fela ku kopana.

¹²⁰ Zeo, balisana ba kaufela, ne ba ziba kuli lingu halikoni ku sileze ili zona kusina mulisana. Mi nebali balisana, mi ba ziba kuli una ni ku zamaiswa.

¹²¹ Ha ki makeke ni ao ka kubona, kacenu, kuli balika kufepa lingu, sileze. Kono ngu haina ku ica zeo. Batili, sha! Mwabona, ne ba lika kufepa lingu, kwa mulaho kwani, ka sileze. Mi cwale Linzwi ha litaha, ne se ba twaezi hahulu sileze, ne ba sa zibi Linzwi. Mi kona mo kuinezi kacenu, taba yeswana ha i bonahala ni kupakiwa kuli Mulimu ukona kueza nto yecwalo. Mi kipeto ba twaezi hahulu sileze, ni kucisiwanga sileze, kufitela muba . . . kihande, hakuna ku ambola ku bona, habana fela ku Li teezeza, ku felile. Nja . . . Bibele ibulezi kuli, “Sina nja ha ikutela kwa mataza a yona, ni kulube kwa sileze sa yona, kona mo ba ezeza.”

¹²² Ku utwa Linzwi, ni kukutela hape kwa mulapo o swana! Ni kubulela kuli, “Ah, Ki bufitelezi bwa tumelo. Musike mwa lumela nto yecwalo yeo.”

¹²³ Mulimu . . . lingu lieza ze swana kacenu, lina ni kusepa mwa mucelo wa Linzwi. Halina kunga lico lisili. Haukoni ku li fa lico za bulapeli, ngu ya niti. Batili! Batili! U yo ba bulelela kuli, “Cwale mutualime, kaufela luna lu kaba hamoho. Cwale, Jesu na lapezi kuli kamukana luna lu be ‘alimuñwi.’” Ne mu utwile fela zeswana kwa Tucson ha ki kale hahulu, mazazi nyana a fitile, kono ki buhata! Jesu na si ka lapela . . . Kana Na konile cwani . . . Kana Linzwi likona cwani ku inyaza ili Lona, ku itwanisa ili Lona? Kona kuli kanti Mulimu ha shutani ni mutu usili kaufela.

¹²⁴ Jesu naize, “Bababeli ba ka zamaya cwani hamoho ba sa lumeleleni?” Kana mu ka nga cwani Methodist, Baptist, Presbyterian, ni Katolika, ni ku li kopanya hamoho ni kuba iliñwi? Wakona kuba alimuñwi mwataso toho ya mutu, Jesu naize, “Kuli ba kone kuba alimuñwi sina—sina *Na* ni *Wena* ha luli alimuñwi.” Cwale, Ubata kuli luna kaufela lu be alimuñwi ku Yena ya li Linzwi! Amen! Ki seo foo, “Alimuñwi ni Ndate.” Mi Ndate ki Mwana, kinto yeswana. Mi kona Linzwi le liswana, ki Linzwi le li bonahalile, inge liiponahaza ili Lona mwa lizazi le sina mo Ne li ezeza mwa lizazi lisili kaufela, kuli mukone kuba alimuñwi.

¹²⁵ Mulemuhe, Na ize, “Sina Ndate ha Ni lumile, ni Na ni mi luma cwalo.” Ndate ya na Mu lumile, naile ku Yena kuli apake Linzwi. Mi yena Jesu ya luma sicaba sa Hae, ki yena yaya mwa sicaba S'a luma; ni kubulela kuli, “Misebezi ye Ni eza, mu ka ieza ni mina.” Luli, Na lapezi kuli lube alimuñwi; balibañwi ni Yena, isiñi balibañwi ni kopano. Isiñi kuba balibañwi mulao, kono alimuñwi ni Mulimu. Kakuli Mulimu mwa Linzwi la Hae ki Alimuñwi, mi Jesu ni Mulimu neli Alimuñwi, mi mina ni

Na ni Linzwi lu lukela kuba nto iliñwi. Yeo ki niti. Lu lukela kuba alimuñwi mwa tumelelano ni Linzwi. Isiñi sa bulela mutu ufi kaufela, ye haina toloko ya kwa mukunda. Mu Linge, se Li bulela, ni ku Li lumela; mi Mulimu uka Li paka, ni kupaka kuli Li lukile. Mu nahana kuli Ki za balutiwa fela, munge Linzwi la Hae ka lona, muye mulike hañwi mu mubone. Mu ka fumana kuli li ka beleka hande ku mina ka kuswana fela sina Mwa sepiselize. Eni, sha!

¹²⁶ Habana kuca sileze, bana ni kuba ni lico za lingu. Muhalalehi Joani 10 ibulela kuli, "Lingu za ka liziba Linzwi la Ka." Mi haiba ki Yena Linzwi, konakuli ki Linzwi la mufuta mañi la nani? "Lingu za ka liziba Linzwi la Ka, usili halina ku mu latelela." Mwabona? Jesu naize, "Linzwi la usili halina ku latelela." Kacwalo, lingu za Hae ha li lateleli linzwi la usili. Halina ku ba latelela.

¹²⁷ Bapolofita, balisana, ni lingu, kaufela ba bulela za kutaha.

¹²⁸ Cwale mubone Mulimu ya sa cinci mwa milelo ya Hae ye sa cinci ya Linzwi la Hae lizazi lee. Cwale munahane fela fa mizuzu yelikani: Linzwi le li sa cinci.

¹²⁹ Cwale mutualime! Kambe—kambe Mushe na ka taha ni liñusa la Nuwe, ne li sike la beleka. Kambe Joani Mukolobezi na ka taha ni liñusa la Mushe ne li si ke kubeleka. Kambe Jesu na ka taha ni liñusa la Mushe kamba la Nuwe, ne li si ke la beleka. Mi Wesley atahé ni liñusa la Luther, ne li si ke la beleka. Haiba Pentekota itaha ni liñusa la ba Wesleyan, ne li si ke ku beleka; lu utwile fela bupaki bwani. Cwale, Mulimu u zwezipili fela ku zamaya. Mutualime fela Linzwi, mwa bona fo lu inzi.

¹³⁰ Kona kuli kiñi zibiso yapili ye ne filwe... Haiba bapolofita ba kaufela, ona baana babatuna ba neli balisana, kona kuli kiñi Mulimu (Yena ya sa cinci) ha cinca muezezo wa Hae mo, ni ku Utisa kwa baituti ba za bulapeli? Neli balisana. Kutaha kwa Ngunnyana yepetehile, sitabelo sa sibi, ina ni kutaha kwa balisana.

¹³¹ Mulisana uziba lingu za hae hande kufita mutu ufi kaufela. Hakuna ya ziba ngu sina mulisana mwa zibela ngu, u lutilwe cwalo. Hape ki ya ziba mufuta wa lico ze li ca. Zona...na ziba zeo lingu liswanela kuca, mi uziba lingu za hae ka se lica. Mi... mukona kubona ngu izwela fande a mulaka wa sileze ni kukala kuca sileze, mukona kubulela kuli, "Amuise linoñu leo kwahule." Mwabona? Kacwalo Mulimu na ziba kwa ku ba lumela.

¹³² Cwale halu bizeñi alimuñwi wa bapolofita ba Jehova babatuna ba balisana, kupaka kuli Mulimu nali mwa bapolofita bene ba apala matalo a lingu. Mutualime cwale. Lu ka biza, pili, Mushe. Ha lu mu talimeñi. Bulumiwa bwa hae bu ka lu bonisa Jehova ku mupolofita wa Hae. Cwale, lukanga fela mwendi iliñwi, haiba luna ni nako, mwendi ka mizuzu yetatama

ye lishumi. Lu ka nga ba babeli ba bona, kono mwendi yo u ka likana.

¹³³ Mushe; Jehova uiponahaza ili Yena fa, ku mupolofita yo wa mulisana. Na filwe limpo zetalu za kuyemela bulumiwa bwa hae ni kubiza bahulu ba Isilaele, ni kuyaha ku Faro. Mulemuhe mupolofita yoo wa mulisana, cwale. Wa fa, kamita, bapolofita ba Hae, sisupo sa buipiteli, ka kupaka kuli neli Mulimu kubona; kakuli ha ku koni kuba pata ya Mulimu kusina lika za buipiteli ku ezahala. Jehova a li kuba a bonahale fateni kusina za buipiteli ku Mu latelela. Lina ni kuba ona cwalo. Kacwalo Na nza itibahaza ili Yena kuli Nali ni bapolofita baa, ka kupaka sene ba polofita, haiba neli kuya ka Linzwi la Hae.

¹³⁴ Cwale, sa pili—sisupo sa pili sa Na file ku . . . yena mupolofita yo (mutalime), a fetula mulamu wa hae kuba noha.

¹³⁵ Yabubeli, lizoho la hae la fetuheha ku ba mbingwa.

¹³⁶ Sa bulalu, ku yo nga mezi mwa Nuka ya Nile mwa Egepita, ni ku a fetula kuba mali.

¹³⁷ Cwale, Na mu file lisupo zetalu za kupaka kwa Egepita, mi hape ni kwa Isilaele, kuli nali yena Linzwi la Mulimu le li bulezwi.

¹³⁸ Cwale, muhupule, Mushe na bizelize lika kutaha mwa pupo! Yeo ki niti. A nopa lishabati ni ku u nepela mwa mbyumbyulu, ni kubulela kuli, “A ku tahe minañi,” mi minañi ya taha. Ali, “A kutaha linzinzi,” mi linzinzi za taha. “A ku tahe limbotwe,” mi limbotwe za taha. A li tisa mi za bateñi! Cwale, mutu hakoni kubupa, kono ne si mutu ka kukala. Neli Jehova ku mulisana wa Hae wa mupolofita! Amen!

¹³⁹ Mutualime! Sisupo sa bulalu sa Na mu file ne si sa zamaelei ni musebezi wa hae, kamba nihaiba kuba kuli ne li swalisan ku mutu wa ahe; sisupo sa hae sa bulalu. Mulemuhe, lisupo zepeli za makalelo ne li tamahana ni yena, yena kasibili ni za musebezi wa hae. Mi neli lisupo fela zepeli zeo Bibele ibulela kuli “nelina ni linzwi.” Sisupo sesiñwi ne si sina linzwi. Kono lisupo zepeli ze ne filwe ku mutu wa hae, ni kwa sicaba sa hae, nelina ni manzwi. Kono sisupo sa bulalu, cwale mulemuhe, ne si filwe . . . sisupo, sisupo sa bulalu, neli sisupo sa lifu: mezi a fetuha mali. Haiba mali a—haiba a—haiba mali a hao na ka fetuha mezi, konakuli no ka shwa. Mi fo ku na ni mali, mali a suluhile, kuna ni sisupo sa lifu; kacwalo ne li ku Faro. Sa bulalu ne li ku fetula mezi a Nile kuba mali, neli kubonisa—ku bonisa Liñusa la hae ku Faro kuli Mulimu wa luna ki Mulimu ni fa Nile kaufela, fahalimwa milimu ya Nile. Ki Mulimu fahalimwa lika kaufela, mi U ka tisa lifu kwa na ha yeo. Mi kona sisupo sa mali mo ne siinezi. Oh, mawi! Sisupo sa lifu: mali!

¹⁴⁰ Kono zepeli zeo nelina ni manzwi a sipolofita. (Na—Na—Na sepa musweli kubala cwale, mwahala mibamba, ze Ni bulela.) Kono lisupo zeñwi zepeli nelina ni manzwi a sipolofita ku Isilaele

ka za kutaha kwa bona. (Cwale ku mina bene ba li fa lilundu ha ki kale hahulu, fani licwe ha li nepelwa mwahalimu.)

¹⁴¹ Cwale, ni kuya...na ka cinca pupo, kuli i be ya bona. Mutualime musumo, mutualime noha, mutualime Liwate Lelifubelu, ni kaufela sa Na ezize, cwale. Mutualime mulamu wa mulisana wani ha u ba lukiseza nzila ya kuya kayona. Kota ye ne li mwa lizoho la mulisana yani, ne i fitelela ngana kaufela ya lituto za bulapeli ni lika kaufela ze ne ba bulezi baprisita, mi mulamu wa mulisana wani wa ba zamaisa ku yo punya kwani ni mwa lika zetata kaufela (ku mutu). Fani Faro hana likile ku nahana kuli “miandala ne i pazauba mwa malundu ni ku bayaula mezi, mi ni kuafetula kuba mali,” mi Mulimu ki ha nelisa mulilo kuzwa kwa lihalimu. Mi ki Ha nelisa pula ya macwe kuzwa kwa lihalimu, mi ki Ha—mi ki Ha nelisa linda fa lifasi, ni lika zeñwi.

¹⁴² Ki sikamañi sa Na ezize? Ka mulamu wa mulisana wani, isiñi—isiñi buka ya litaba fela, isiñi mulelo wa muituti wa za bulapeli, kono mulamu wa mulisana! Lwa taha kuzona mwa muzuzu fela; mulamu wa mulisana, A kona ku lieza. Isiñi ta—ta tapelo buka ya kopano, kono mulamu wa mulisana. Mulamu wa mulisana u nzo zamaisa lingu za hae, ku lukisa nzila hane baya kwa Linzwi la sepiso mwa na ha. Ha ki nto kwa bunde ni yeo kacenu ka Mulamu wa Mulisana, kacenu, o zamaisa lingu za Hae kuliba kwa Naha ya Sepiso; kufitelela lituto za bulapeli kaufela ni zeñwi za lifasi lee, ni lika za lifasi, ni likopano, lika kaufela; ku kwalula nzila, ni kupaka Linzwi la Hae kuba la Niti; Mulamu wa Mulisana wa zwelapili.

¹⁴³ Mi mulemuhe, ona mulamu wa mulisana ya swana wani no nzo zamaisa lingu... Kana mwa lumela cwalo? Yena luli na zamaisize lingu, na li lamulezi mwa Egepita ka mulamu wani mwa lizoho la hae. Ne lu ka bulela zeñata ka zona. Kono kufita fela ku za butokwa, na zamaisize lingu ni kuluma katulo fahalimwa babane ba I hanile! Ona mulamu oswana o no bile mbuyoti ku alimuñwi, wa ba sikuto ku babañwi. Ona mezi aswana (a kukutaza kwa Nuwe) a na mu pilisize, kona ana yundisize lifasi. Ona mulamu o swana ono etelezi Isilaele kukena mwa na ha ya sepiso, kona o no yundisize bene ba hanile kulateleta mulisana wa mupolofita. Yeo ki niti, wa ba kota ya katulo.

Pupo; mulemuhe ka mwa bulelela Mulimu mwa pupo ya Hae. Kambe luna ni fela nako. Ni ñozi kañolo fa kuli: Mulimu kubulela kwa pupo ya Hae. Haluna nako ya ku libonahalisa.

¹⁴⁴ Kono lu ka bonisa kasamulaho, ka noha ya sipi ka za mulamu wa mulisana wa libonobono (kuli na tatelize noha ye kwateri, mwa lihalaupa), se si ambola ka swalelo ya niti ye tahela matuku ni sibi.

¹⁴⁵ Mulamu wani kasibili no fetuhile noha fapila Faro, mi Faro yaswana alika ku likanyisa ka mababibo. Mi ki mo baezeza ni

bo Faro ba kacenu ona cwalo, ni balumeli baba likanyisa fela, balikanyisi ba ngana ya butu ba Liñusa, kulika kulikanyisa nto yeswana kusina kuziba ko izwelela; ni ku I nepela fa nto yeñwi ya kopano, kanti ki Ya mahala fela sina moyo mo u kona ku ñolelwa. Luli! Kono kulika kulikanyisa, kueza malikanyiso.

¹⁴⁶ Kono, mulemuhe, ona mulamu wa mulisana o swana wo kona o no cile linoha zeñwi. Linoha zani ne lili kai kanti? Ne li milamufafasi, mi ne kuna ni fela mulamu ulimuñwi o no nopolwe. “Bubeli bwa lihalimu ni lifasi li ka fela,” kwa bulela Jesu, “kono Manzwi a Ka hana kufela.” Kubulela ka za swalelo ya niti ye tahela sibi.

¹⁴⁷ Hape, za kwapili za Isilaele . . . mi fani fone Ni bulezi ka za Isilaele, cwale ku za kwa pili . . . Kwani ba fiwa tukuluho kuzwa mwa tamo ya lifu ka mulisana wa mupolofita. Ne ba tisizwe mwa bukoba ka mupolofita wa mulisana ni mulamu. Mwabona? Ne i bulela ka Mulamuleli wa kwapili wa Isilaele, kuzwa kwa lifu ni lihele, ka Mupolofita wa Mulisana yo lu ka bulela za hae.

¹⁴⁸ Cwale, ku zeo kaufela . . . ze lu ziba kaufela Isilaele, na si ka amuhela Linzwi la mupolofita wa mulisana, Isilaele kaufela na si ka Li amuhela. Cwale, mulemuhe, ne ba bilaela. “Oh,” ha na eza limakazo, “na li mutangana yomutuna ya tabisa,” kono hane li tile kwa Liñusa la hae, “zani ne li shutana.” Lisupo zetuna kaufela li latelelanga liñusa le linca lelitaha. Lwa ziba cwalo. Mwa lihalaupa neba tongokile, mwa lihalaupa, ni kushwa ka likitikiti. Kaniti, ne ku si na babañata kufitelela bababeli bene ba silezi mwabuse ku bene ba bandukile kuzwa mwa batu baba kuma fa tu milioni ni hafu, bababeli kuzwa mwa tu milioni ni hafu.

¹⁴⁹ Mu li, “Sani . . . Ki sikamañi sene si ezahalile ku bona?” Ba icongile Kuyakuile.

¹⁵⁰ “Kaufela bona, Muzwale Branham?” Jesu na bulezi cwalo.

¹⁵¹ Ne baize, “Bo kuku aluna ne ba cile Maana mwa lihalaupa, mi ne ba nwile kwa Licwe.”

¹⁵² Mi Yena . . . Jesu ali, “Mi bona, mañi ni mañi, ba shwile,” Kuyakuile ba kauhani, mwabona, mañi ni mañi.

¹⁵³ Mulemuhe ba bilaela bakeñisa nzila ya lukisize Mulimu, kona libaka le ne ba shwezi. (Cwale, handende, musike mwa mbwinja manzwi a mafelelezo aa.) Ne ba bilaezi! Se ne si ba bulaile mwa lihalaupa, ne ba tongokile ka nzila ya lukisize Mulimu: ka Liñusa la mutu alimuñwi, mupolofita, bueteleli bwa mutu alimuñwi. Mu ni bulelele fo Mulimu akile aitusisa sikhwata sa ku zamaisa. Hamuna ku si fumana mwa Bibele. Muuna alimuñwi, bona . . . Linzwi ne litile ku Mushe!

¹⁵⁴ Kora; kaufela lwa ziba kuli na—na ongongile amoho ni ku bilaela ka Mulimu isiñi kuba ya lukile, kueza nto yecwalo, kuli mutu yomuñwi abe ni Liñusa. Na ize, “Kaufela luna lu kenile.

Kiñi ha lu si ke kuba ni kopano? Mi kiñi ha lu sa koni ku . . . yaha *ye*, ni kueza *se*, ni kueza *sani?*”

¹⁵⁵ Mulimu abulelela Mushe, “Ikauhanye ku yena, Ni bile ni zeñata za teni.” Mi muhupule, Juda ubulela nto yeswana, mwa mazazi a maungulo. Yeo ki niti, “Ne ba shwezi mwa litaba za lishano za Kora.” Hape lwa ziba sene si ezahalile ku Kora ni ba—ni ba bañwi ya na buza Linzwi la Mulimu ni butali bwa Mulimu bwa muuna alimuñwi yani: mañi ni mañi wa bona na shwile.

¹⁵⁶ Cwale, lu ka lemuha Mulimu ku mupolofita wa mulisana, ku bonisa milelo ya Hae ya kwapili mwa sisupo se si tatama. Cwale, mutualime. Lwa libona *fani*, cwale ha lu li talimeñi mwa sisupo se si tatama.

¹⁵⁷ Cwale, mulemuhe, na lumezwi ku bahabo mwa bukoba, mwatasa butanga, ni Liñusa la tukuluho, ni sisupo sa Mulimu se si filwe ili ku bonisa buipuleli bwa Hae. Isilaele na yezi Liñusa la hae, ne ba Li lumela, mañi ni mañi wa bona, kono mwa nako ya manzibwana . . . Ne baile ka limakazo za hae, kono mwa nako ya manzibwana hane ba . . . na file Liñusa la hae, “Ne li shutano.” Kaufela bene ba si ka lumela Liñusa lani, ne ba shwile. Yeo ki niti. Liñusa neli sikamañi? Liñusa neli la katulo yene taha. Ka nako ya manzibwana, ka nako ya manzibwana, Mulimu na zwa mwa mafulo a Isilaele ku yo bona haiba sicaba na lumezi Liñusa la mupolofita wa Hae wa mulisana; mi kaufela be ne ba si ka Li lumela, ba yunda.

¹⁵⁸ Cwale mulemuhe, lu ka li tisa ku Mulisana Yomutuna mwa mizuzu fela yelikani. Mwabona? Mulemuhe bulumiwa bwa Mupolofita Yomutuna wa Mulisana. Ka limakazo za Hae, keleke kaufela ne ikwaluha ni ku Mu amuhela. Ne ba bata kuli bakuli ba bona bafole. Neba bata kueza lika zetuna. Kabubo ka hae neli kakatuna. Kono cwale nako ya manzibwana ha i to taha, zazi leliñwi kasamulaho Amano fetula mezi kuba veine, mi sa fepile likitikiti, ka sinkwa, mi sa ezize limakazo, A kala kuinafafasi ni kuambola kubona. Mi ki Hali ku bona, “Na ni Ndate lu nto iliñwi. Kiñi ha u bulela kuli, ‘Lu bonise Ndate?’”

¹⁵⁹ “Oh, muzwale! Muuna yo uikeza kuba ya likana ni Mulimu?” Zani neli zetuna hahulu kwa minahano ya bona ya za bulapeli. Kono neli Niti, Nali cwalo! Mwabona? Kono hane ba ezize cwalo, babañata ne ba si ka Mu latelela.

¹⁶⁰ Mi ki Ha sikuluha ni kubulela kuli, “Kwanda kuli mucé Nama ya Mwana mutu, ni kunwa Mali a Hae, hamuna Bupilo.”

¹⁶¹ Cwale, munahana kuli mutu ya butali, mutu wa ngana ya butu u kona ku nahana sikamañi? Ni nahana kuli baprisita bene bali ni Yena mwa tempele luli neba—neba swaba luli ka—ka kuba ni Yena mwahala bona mwani. “Ka ku nahana kuli mutu na ka yema ni kubulela nto ye cwalo kuli, ‘Kwanda kuli mina sicaba mu ce Nama ya Ka, ni kunwa Mali a Ka.’” Ali, “Yo ki muca batu, mwabona, ‘Muce Nama ya Ka ni kunwa . . .’ Kiñi, ki muca batu.

Mina batu baba nahana hande mu ka . . . mu ka ba kwahule ni bulyangu bo bu cwalo."

¹⁶² Na si ka Li tatulula, Na Li bulezi feela! Na li ezize kuli aba sitatalise, kuli akauhanye lingu za Hae kwa lipuli. Na li ezize kuli aba kasheze kwahule. Mi cwale hakuna mutu ya na itakaleza kufumaneha ni Yena. Ne ba si na kutwano kuzwa fani kuya kwapili. Mwabona?

¹⁶³ Mulemuhe, ka nako ya manzibwana, Mulimu na zwela fande mwa mafulo ni kubona ya na lumela. Mi Na ezize nto yeswana mwa mazazi a Mulisana Yomutuna. Mulemuhe bulumiwa bwa Mulisana Yomutuna wa Mupolofita, kono mulemuhe se, kwa balumeli ba Liñusa la Hae, kono isiñi kwa . . . Liñusa la manzibwana le, ne ba sa Li lumeli. Ne ba si ke ba lumela kuli Nali yena Mulimu. Ne ba bata ku Mu eza kuba muuna yomunde. Neba bata ku Mu eza kuba mupolofita. Nali muuna yomunde, mi Nali Mupolofita, kono Nali ya fitelela foo. Yeo kona tuto ye zibahala kacenu, kuli "Ki muuna fela yomunde, nali mupolofita." Na si nto isili yeshutana ni Emanuele! Nali yena Mulimu yana bonahalile ku Jesu Kreste Mwana Hae, ku Mu eza kuba Ndate. Kona fela za Na kona kuba zona.

¹⁶⁴ Zakaria 14:7, Ni kona kubulela cwana, i bulela ka Liseli la manzibwana ni Liñusa hape la kwa nako ya maungulo. Kana mu lemuhile cwalo? Buñata bwa ba bane ba latelezi Mushe, ne ba boni Siita sa Mulilo se ne si mu pakile fa Lilundu la Sinai. Na pakile cwalo, ni kubulela ka Siita sa Mulilo se hane sili mwa sicacani mi ne ba mu bulelezi Liñusa le, buñata bwa bona ne ba sa Li lumeli. Kono buñata bwa babane ba mu latelela kuzwa mwa Egepita (ba zwa mwa lifasi ni kusila liwate la kauhano, mi ba ya mwa lihalupa), ba bona Siita sa Mulilo se si swana (se ne si bulela zateni) kupaka kuli mupolofita wa mulisana yani abe yena mulisana wa lingu. Ba Si bona, kono buñata bwa bona ne ba si ka Si lumela neba ba ma no Si bona.

¹⁶⁵ Mulemuhe cwale, hape, yena Mulimu ya sa cinci, Mupolofita yomutuna wa Mulisana, a munga ya na pila ni Yena ni bulimiwa bwa Hae ba liba kwa Lilundu la Olive; Mulisana Yomutuna wa Mupolofita, yena Yo lubulela ka yena, Jesu. [Hakuna manzwi fa tepu—Mu.] . . . ? . . . ni ku utwa Ndate (yena Siita sa Mulilo se si swana) ku Mu paka, ya na pakile ni Mushe.

¹⁶⁶ Yena Mulimu ya swana yo Mushe u bulezi za hae, ataha ku Mushe ni kubonahalisa ka Siita sa Mulilo kuli Nali Jehova ya na zamaisa Mushe. Mulimu nali ku mupolofita wa Hae wa mulisana.

¹⁶⁷ Fa Unga Mupolofita yomuñwi wa Mulisana, Mupolofita Yomutuna, Ngu ya Niti, Jesu, ni kunga keto ya baana ba balalu, ni kuba isa fa Lilundu la Olive, mi fani a bonahalisa Jesu. Mi mane a Ikambusa ili yena kwa batu babañwi, ali, "Yo ki Mwana Ka ya latwa, mu Mu utwe!" Mi ha ba yo apuha, ha ba si ka bona

mutu usili kwanda Jesu fela. Yeo ki niti. Na li Yena. Cwale, ao kona mafelelezo, kuya ka mo Ni zibela. Mwabona?

¹⁶⁸ [Hakuna manzwi fa tepu—Mu.] . . . ? . . . [Hakuna manzwi fa tepu.] . . . ? . . . sifateho. Mushe nali fa pila Shekina fa Lilundu la Sinai. Ya cinca sifateho sa hae. Ha na tulukile, nana ni ku—ku ikapesa lisila kwa sifateho, Mushe mupolofita wa mulisana; yoo Jehova nali ku yena, mwa siemba, siemba fela, sifateho sa hae. Nana ni Linzwi mwa mulomo wa hae.

¹⁶⁹ Kono mulemuhe fani Mulisana Yomutuna ha na li fapila Shekina. Ki sikamañi sene si ezahalile? Sa cinca sifateho sa Hae kaufela. Na si siemba sa Mulimu, Na li Mulimu ka kutala kaufela! Na li Emanuele.

Kiñi hane i lukela kuba balisana?

¹⁷⁰ Mutualime! Mwabona, cwale, Mulimu Yamata kaufela u zamaya . . . u iponahaza ili Yena, nitaluse, ku Mushe mupolofita wa mulisana. Mutualime ka mo Mulimu na Itibahalize. (Ye kona pulelo yaka ya mafelelezo.) Mwa mubona, inza yemi ali ya tozizwe fa pila Siita sa Mulilo! Hakuna mutu fa lilundu ni yomukana kwanda Mushe ni Jehova. Amen! *Amen* italusa “ku be cwalo.”

¹⁷¹ Mutokomele! “Beya lizoho la hao mwa sifuba sa hao!” Kono, mutualime sisupo sa bubeli se cwale ka linzwi. “Beya lizoho la hao mwa sifuba.” Haluna libaka la kulumela kuli Mushe na tiyezi kwa lizoho la nzohoto, kaewalo na lukela kubeya mata a hae mwa sifuba sa hae, kakuli buñata bwa baana ba tiyezi kwa lizoho la silyo. Na beile lizoho la silyo . . . Cwale mutualime! Ha ki siswaniso ni seo se lubona fa, sa Jehova ku Mushe mulisana wa mupolofita! Mushe u yemela Mulimu, kakuli Mulimu na li ku Mushe. Amu mu talime abeya . . . “Lizoho mwa sifuba sa hao.” Ha ki sisupo ni seo!

¹⁷² Cwale, ki yani uyemi fani, inza sweli lizoho la hae la bulyo fa pilu ya hae (inza yemi sina *cwana*) koo likunuto ze patilwe za puluso neli patilwe kuzwa kwa mutomo wa lifasi. Kona libaka hane ili balisana. Jesu ki lizoho la silyo la Mulimu, kaufela lwa ziba. Kiyo Mushe ya na Mu bonisa ka swanelo. Na bulukile likunuto za Ndate, mi u li bonisize ku luna. Mulemuhe, mu mubone ha zwisa mwa sifuba sa hae lizoho la bulyo le li na ni mbingwa. Kubonisa sa kona kueza Mulimu ka Lizoho la Hae la Silyo. Mulemuhe, mbingwa haina kalafo. Mulemuhe, hape, ne si fela mbingwa ye zibahala kai ni kai, ne ili mwa kalulo yayona ye sabisa, busweu sina mbingwa; lizoho la hae ne li natilwe ka nto ye sabisa. Kamo Mushe na utwezi fani ha zwisa lizoho la hae la silyo mwa sifuba bukaufi ni pilu ya hae, mwa liñafwa la hae, mi lizoho la hae la nativa ka mbingwa! Mbingwa i yemela sibi, haina kalafo, mi sihulu mwa likalulo zayona za mafelelezo.

¹⁷³ Mi, mizwale, fani kona fo ne kuna ni lifasi Mulimu nako ya zwisa Lizoho la Bulyo mwa sifuba sa Hae! Lifasi ne li natilwe ka

mbingwa ye sabisa, mi nekusina neba kalafo yayona. Kona mo kuinezi ni busihu boo, kakuli habana kuamuhela kalafo. Kalafo ne i filwe fa Kalvari, kono batu ba tabela ku amuhela mulyani o filwe ki mutu kufita kuamuhela munwelo wa mulyani ka mwa ufezi Mulimu ka sibi.

¹⁷⁴ Mulemuhe kuli ne li si ka taha hanyinyani hanyinyani, sina mbingwa mo i tahelanga, kono neli fela ka sipundumukela ona foo! Ha zwisa lizoho la hae, ne li natilwe, ne li tezi fela mbingwa. Mulemuhe sa na bulezi Mulimu, “Cwale, hauna ku kena mwa sibi ka bunya; kono zazi lo ka ca kwateni, ona lizazi leo wa shwa.” Mi yeo ki niti, “Zazi le mu ka ca ku yona.”

¹⁷⁵ Mulemuhe, neli mupolofita wa mulisana ya na inatile ili yena. Na ngile, ka taelo ya Mulimu, ni kubeya lizoho la hae tota mwa sifuba sa hae, ni ku li zwisa litezi fela mbingwa. Mulisana wa mupolofita na ezize cwalo yena kasibili. Mi Mulisana Yomutuna wa Mupolofita, Jesu, na ezize cwalo yena Kasibili, “Ni lobaza bupilo bwa Kafafasi, hakuna mutu ya bu zusa ku Na.” Nali yena Mulisana Yomutuna, Mulisana Yomutuna wa Mupolofita, “Hakuna mutu ya bu zusa ku Na, Ni eza fela za Ka.” Mulemuhe ne isika taha hanyinyani hanyinyani, ne itile fela ka muzuzu. Mulisana Yomutuna, yena Kasibili, anga mulatu wa luna mi a inata Iliyena, a lwala libi za luna ni ku li beya fahalimwa Hae. Ki kabakaleo muloki na ñozi kuli:

Mwahala macwe asweli kupazauha ni lihalimu
le li lififi,
Mupulusi waka ainamisa toho ya Hae mi
ashwa;
Lisila la kukwalula la bonisa nzila
Yeliba Lihalimu kwa tabo ya lizazi le lisa feli.

¹⁷⁶ Kunutu yani neibile mwa sifuba sa Mulimu myaha ye kaufela, i apesizwe ka lizoho la Hae la bulyo, Jesu. Mulisana Yomutuna A ikungela sibi sa luna. Isaya 53:6, iize, “Kanti sa Na holofalelizwe ki libi za luna. Sa na titikezwi ki bumaswe bwa luna. Koto ye lu fumaní kozo ka yona iwezi Yena fahalimu. Mi ka miupa ya Hae lu folisizwe.” Kunutu ya foliso ya Mulimu ne i beilwe mwa sifuba sa Jesu Kreste, kamba Mulimu, Na li kwa lizoho la bulyo la Mulimu, yeo kona fela Ngu inosi yene sweli mwa sifuba sa Hae kunutu. Ki kabakaleo miluti ya Yona neina ni kuba ngu kamita! Ya pili neli ngu, ya mafelelezo neli Ngu. Kona libaka hane Si tile ku mulisana, kuziba mwa ku babalelela Lingua za hae. Mwa utwa kana? Mulemuhe, “Na holofalezi libi za luna, na titikezwi bumaswe bwa luna, koto ye lufumaní kozo ka yona iwezi Yena fahalimu.”

¹⁷⁷ Mulemuhe, litile kapili; mi la zwa kapili, ona fani lizoho la bulyo la li zuswa mwa sifuba ka nako ya bubeli. Butuku bo bu bulaya ne bu felile, ha li zwisa nako ya bubeli. Mi cwale Mulisana Yomutuna, Mupolofita wa Lingua, ha Na bulezi . . . Fa sifapano sa

Klavari, ha Na lifile koto ya sibi sa luna kaufela, Na ize, “Ku felile.” Sibi sa fela, koto ne i lifilwe, likoloto za feliswa! Ne li si ka tanda silimo mutumbi, kamba mafelelezo kutaha kuzona mwa mazazi a muongaongi yomuñwi kamba nto yecwalo, ne se kufelile ona fani!

¹⁷⁸ Sibi ne si tile mwa nako nyana, ka kufosa kwa Mulao wa Mulimu, ka ku kopamisa Linzwi li liliñwi. Busihu boo, mizwale baka, moyo wa hao u fahalimwa liwenge la lihele. Mi liwenge leo ha ki tuto fela ya bulapeli cwalo, liwenge leo ha ki kopano yeñwi kamba tuto yeñwi ya litumelo yo pila kayona, liwenge leo ki Linzwi la Mulimu! Jesu nafile lusika lwa batu Linzwi la Hae kupila ka lona, mi Eva a lyanganisa fela iliñwi ya Lona. Mi haili... liwenge kaufela ha li si ka tiya kufita fo fokolela. Ha u nga Linzwi li liliñwi kuzwa... Yani neli Buka ya pili.

Jesu na tile mwahala Buka, ni kubulela kuli, “Mutu ha na kupila ka buhobe fela, kono ni ka Linzwi kaufela le li zwelela mwa mulomo wa Mulimu.” Mwani ne li mwahala Buka.

Kwa mafelelezo a Buka, Na ize, “Yo kaufela ya ka zwisa Linzwi li liliñwi (kutoloka Linzwi ka mafosisa), kunga Linzwi li liliñwi kuzwa Mo, Ni ka zwisa siemba sa hae mwa Buka ya Bupilo.” U sweli kufita mwa lihele, unzo nyendaela fa Linzwi la Mulimu. Musike mwa lumeleza mutu kukenya ku mina sika sisili kwanda se sili kuli SA BULELA MULENA KISONA!

¹⁷⁹ Oh, Na bona... Kihande, ba li, “Luli, kaufela ze lu ezize. Kaufela ze lu ezize!” Sani kona mwendi baprisita babatuna ni babañwi ne ba hupula mwa mazazi a Mulisana Yomutuna. Sani kona sa na hupuzi Eva. Sani kona sa na mu bulelezi Satani kuli, “Kaniti Mulimu hana kueza cwalo.” Kono Na ezize cwalo, kakuli Na bulezi kuli Uka eza ona cwalo. Mi leo kona libaka Ha ka eza cwalo hape kacenu.

¹⁸⁰ Ki kabakaleo, sina ha Na bulezi kuli, “Sina mo ne kuinezi mwa mazazi a Nuwe, mo ne ku pilisizwe fela miyo ye ketalizoho ka yemilalu, ka mezi, kona mo ku kabela ni ha taha Mwana mutu.” Mwabona, ki basikai, “Kakuli munyako wa kumbana, mi nzila ki yesisan yeisa kwa Bupilo, mi ki baba nyinyani baba ka Li fumana.” Yeo ki niti. “Kakuli nzila yeisa kwa sinyeho i atami, mi ki babañata ba ba ya ka yona.”

¹⁸¹ Fani Mulisana Yomutuna hana natilwe, yena Mupolofita Yomutuna wa Lingu, ha Na natilwe kwa mulaho kwani, Na ize, “Ku felile!” Mi muzuzu wani, ona fani fela Mulisana yo ha natiwa, kwa fela. Sibi si felisizwe, ne ku sina sibi hape. Ne ba kenile, koto ya lifiwa. Balumeli be mabizo a bona na ñozwi mwa Buka ya Bupilo, be ne ba zibezwi cimo kuzwa kwa mutomo wa lifasi, ne ku felile ona muzuzu wani fani Jesu ha bulela kuli ku felile. Yena, yena Mulisana Yomutuna yani, na tezi lingu za Hae. Ne ku felile, lizoho la bulyo la Mulimu la hohiwa kuzwa mwa sifuba sa Hae, li natilwe. Mi cwale ka la Zuho A li kutisa (amen),

a li nanulela hape mwa sifuba sa Hae, mi a li shetumunela ku wena ni ku Na, mwa mufuta wa Linzwi la Hae, ku to lu liulula kukutela kwa simu ya makalelo koo sibi ne si lu zusize. Kunutu tuna ye patilwe ya pilu ya Hae yetuna ya patululwa ka Mulisana wa Mupolofita. Ya patululwa ka Mulisana, Mupolofita wa Mulisana.

¹⁸² Ki kabakaleo malundu ha na tulaka ka tabo ka lizazi lani. Ki kabalakaleo lizazi ne li ipatile kwa sifateho sa lona ni kuhuwela ka tabo. Ki kabakaleo libupiwa kaufela ne li tamuluzwi; moyo wa nyunga likota kufitela ha u nyanganyiswa ni ku zikinyeha, ni kutabela, ni kutulaka. Neba boni Mulisana wa Mupolofita, fa lilundu, a to liulula libizo kaufela mwa Buka ya Bupilo. Mi ba bona kuli sibupiwa sa bona ne si lamulezwi! Ba huwa, ni kuhuwa. Mi lifasi la kena mwa zikinyeho ya lifasi. Mi malundu a pazauha, mane macwe a bulumuka. Milizazi la likela. Ni—ni lika kaufela za ezahala. Sina mukopano ufi kaufela, haiba Mulisana u ku patululela kuli “ku felile!” Kuna ni . . .

¹⁸³ Ni boni mioya ye tulaka, ni mioya ya tabo, kono kusina neba yomukana ya holofala. Malundu a taza lilata, mi ona . . . lizazi la likela, mane lika kaufela za ezahala, kono nekusina mutu ya na holofezi. Mi Ni boni mikopano yeo mata a Mulimu na patuluzwi kwa sicaba kuli ba “lukuluhile kwa lifasi ni lika za lifasi,” mi tabo ya Mulena itala kopano kaufela. Ba yema ni kuhuwa, ni ku kalumuka, ni kuhuweleza ka manzwi abona amatuna, kwa kanya ya Mulimu. Ne ni si ka bona se si zwile mwa nzila, ne bali fela hande ka swanelo; kakuli ne ba lemuha lika hande kuli, mabizo a bona a ñozwi mwa Buka ya Bupilo ya Ngunnyana ku si ka ba kale mutomo wa lifasi. Mulisana yomutuna wa Mupolofita na ba tiselize Liñusa, mi ba lamulelw, Mupolofita wa Mulisana. Hakuna taba kamba zeñwi za bulapeli ne li bulela sikamañi ka Zona, ne ba ziba sene si ezahalile. Inge fela balisana bani mo ne baezelize kwa mulaho kwani, ne ba ziba ze ne ezahalile.

¹⁸⁴ Hakuna mutu yana ni tukelo ya kutaha kwa sipula se si kenile ku to kutaza Linzwi kufitela aeza sina Mushe mwa na ezelize, ka ku kopana ni Mulimu, kasibili, fa mayemo fo kusina muituti wa za bulapeli ya kona ku Li tatulula ka nzila isili. Mushe nali teni! Hakuna taba kamba balumiwa ba Isilaele ne ba bulela cwani, “oh, neli bukuba, ha u ka akaleza fela kuli u boni se; ki bukuba,” hamukoni ku zwisa Seo ku yena, na ziba! Na liteni fani! Neli yena ko ne li ezahalezi! Mi hakuna mutu ka—ka pampili ya lituto za bulapeli kamba digiri yeñwi ya bu dokota mwa lituto ya na ni tukelo ya kuba kwa mulaho wa katala, kuli aipapatele Liñusa la Jesu Kreste, kufitela pili a kopana ni Mulimu pata ni pata mwa Siita sa Mulilo. Haana tukelo ya kuipiza iliyena kuba mulumiwa, kakuli baituti ba za bulapeli kaufela mwa lifasi ha ba koni ku lyanganisa mutolokelo wa Zeo ku wena. Ne li ezahalile ku wena! No liteni kwani, wa ziba ka Zona. Hakuna taba ka sa bulela mutu, kamba mo ba ka bulelela,

“mazazi a felile, ha ki cwalo,” wena . . . li ezahalile ku wena, mi ki kuya ka Linzwi.

¹⁸⁵ Eeni, ki kabakaleo Mushe hana zibile kuli Linzwi le ne li bulezi ku yena, neli Mulomo wa Linzwi. Na ziba kuli Mulimu na bulelezi Abrahama kuli, “Peu ya hao ika yambaela ka myaha ye mianda yemine, kono Ni ka ba lamulela.” Mi na ziba kuli myaha ye mianda yemine ne i felile mi na biziwe kuli aeze cwalo.

¹⁸⁶ Baana ni basali, Mulimu na sepisize mwa mazazi a maungulo a kuli Uka sulula Moya wa Hae fahalimwa libupiwa kaufela. Na sepisize kuli Uka luma Kolobezo ya Moya o Kenile, mi Abize Munyaliwa yasina litiba kamba nyazo. Na sepisize ku li eza, Uka li eza. Musike mwa teeleeza kwa balisana ba ba bata fela musebezi baa, ba ka mi kelusa. Moya o Kenile kona Mulisana ya ka mi fepa ka sico sa Linzwi le. Kamita li tahanga fela ka Mulisana. Yena ki yena Mulisana wa luna. Mu Mu utwe, mina mu lingzu za mutapi wa Hae; haiba mu cwalo, mu ka utwa Linzwi la Hae. Isini sa bulela mutu ufi kaufela, mwa utwa sa bulela Yena. Linzwi le linca, hakuna se mu ziba ka lona.

¹⁸⁷ Oh, mawi, amuteeleze ku mupolofita ni mulisana ya mata hape, ha toloka ni kuzibahalisa ku bona, Joani (ha na yemi mwa nuka ya Jordani), mutualime sa na bulezi (na yemi fani, inza kutaza), ki hali, “Hola ya taha . . .”

¹⁸⁸ Mulemuhe, Joani neli mwana muprisita. Kamita ne ba latelela ona—ona muhala wa ndata bona, cwalo kona mo lu amuhela mabizo a luna ni luna. Ka se ne ba ezize kaufela, ne ba bizwa ona cwalo. Mi Joani na lukela kuba muprisita sina ndatahe.

¹⁸⁹ Mi, mwa ziba, mahe, ha na itwez yena, kasamulaho Lingeloi la Mulena li katana ndatahe Zakaria, ni kuya kwa munzi wa Elizabeta, mi yena na sa itwezi kale mba ya likweli ze silezi mwa . . . kuli abe me. Kono na si na bupilo ka nako yani, na saba kakuli mbututu na sa nyanganyi. Zeo ha li swaneli.

¹⁹⁰ Mi Moya o Kenile, Lingeloi la Mulena la bonahala ku Maria, ni ku mu bulelala kuli na “ka ba ni mbututu, kusina kuziba muuna,” ni ku mu bulelala ka buino bwa Elizabeta.

¹⁹¹ Aya mwa malundu a Judea, ku yo bulelala Elizabeta. Mi ha yo katana Elizabeta, amu bulelala kuli “na ka ba me.” Mi na sa li utwisisi, “kusina kuziba muuna.” Kono musali ali, “Moya o Kenile u ni apesize, mi ubulezi kuli nto ye Kenile ye ka pepwa ku na ika bizwa kuli ‘Mwana Mulimu,’ mi Ni ka biza Libizo la Hae kuli ‘Jesu.’” Mi nako yapili yeo libizo la Jesu ha li kile la bulelwa mwa mulomo wa mutu, mbututu yomunyinyani ya na shwile, mwa mba ya mahe, a tula ka tabo ni kuhuwa; ni kutulaka mwa mba ya mahe, mi na si ka amuhela kale bupilo.

¹⁹² Libizo la Jesu Kreste la to bulelala bupilo ku mbututu ya shwile. Li lukela kueza sikamañi mwa keleke ye ipapata kupepwa sinca?

¹⁹³ Mi luina fela ka bunyemi inge bikokoma fa litalo la malaka, ni kutuhela lika zecwalo lizwelapili. Mi usabe kuyema ni kupaka za buikolwisiso bwa hao, ni kunyaza bukuba boo kaufela, kueza Jesu Kreste kuba yaswana maabani, kacenu, ni kuyakuile. Ki nako ya Kilisimasi, amu zwise kaufela bo Santa Clause bao ni zeñwi, mube kwahule ni bukuba boo bwa litekisano. Ki kai ko mu utwile ka za Santa Clause mwa Bibele? Ki litangu la Siroma, hakuna sika ku zona ni hanyinyani, hakuna sika se si cwalo. Musike mwa luta bana ba mina bukuba bo bu cwalo. Kakuli zazi leliñwi ha u ka mu bulelela kuli neli fela likande la buhata, kona kuli u kabe u bulelezi mwana hao buhata. Mi si ka filikanya bupaki bwa hao ka Jesu Kreste, u ka bulela kuli, “Mwendi ki nto yeswana.” U beye Kreste yena Mulisana Yomutuna ya li mupolofita kuli akutele mwa Kilisimasi koo Alukela kuba.

¹⁹⁴ Mulemuhe, muteeleze ku mupolofita yoo, Joani, hana yemi fani. Kaufela lwa ziba kuli nali mupolofita yomutuna wa mulisana. Cwale, nana ni liñusa, Lingeloi ne li ziba kuli na ka zibahalisa Jesu.

¹⁹⁵ Cwale, na si ke kuya kwa mukopano wa za bulapeli omuñwi. Ne ba ka bulela kuli, “Cwale, mwa ziba kuli Dokota wa *Kuli-n-kuli* ki yena fela mutu yakona kunga sibaka cwale. U lukela ku mu zibahalisa. Mi wa ziba sani fela . . .” Mwabona, na si ka lyangana ni mutu.

¹⁹⁶ Fa lilimo ze naini za kupepwa, lu bulelwa kuli, naile mwa lihalaupa ku yo itukisa fapila Mulimu. Kwani kona ko ku zwelezi balisana. Mulemuhe liñusa la hae ne li sa swani sina muituti wa za bulapeli, ni manzwi amañwi amatuna, amakima a digiri yeswanela. Ki hali, “Oh, mina bana ba libili.” Inza bulelela batu ba bulapeli, “Mina sishañata sa linoha.” Zani kona za na bonanga mwa lihalaupa, na boni noha. Sika se si mwatasi hahulu ku za na fumana neli noha, mi abiza baprisita bani ni baituti ba za bulapeli ba lizazi lani kuli, “Sishañata sa linoha!” Ali, “Ki mañi ya mi lemusize kusaba kwa buhali bo bu taha? Musike mwa kala kubulela kuli, ‘Lu ba siemba *se*, mi lu ba siemba *sani*,’ kakuli Ni li ku mina kuli Mulimu wakona ka ona macwe aa kuzusa bana ba Abrahama.” Macwe, a na bonanga mwa lihalaupa. “Hape, silepe si yendekilwe kwa mubisi wa kota.” Kona za na bonanga: linoha, likota, lihalaupa. Mi, mwabona, lani neli lona liñusa la hae. Na sa zibi manzwi amatuna a muituti yomuñwi yomutuna wa za bulapeli (na ka Li tatulula ka nzila isili), na kutilize fela ona cwalo ka swanelo ya pupo.

¹⁹⁷ Sani kona se lu bonisa fa: mulamu wa mulisana, ki mulisana, ki ngu, ki mundandwe wa ze bupilwe.

¹⁹⁸ Ki sikamañi sa na ezize? Nana ni nto yetuna ya kueza, neli yena ya na ka ziba Mesia. Ki hali, “Ni li, ‘U yemi mwahala mina cwale. Mi ha mu Mu zibi, kakuli lituto za mina za bulapeli li mi tamile, ha mu zibi kuli muinzi kai.’”

¹⁹⁹ Zazi leliñwi Jesu ataha inza zamaya, ki hali, “Amubone, ki yeo Ngunyana ya Mulimu ye takula sibi sa lifasi.” Ngunyana! Haleluya! Yona Swalelo ya lulu! Ki yeo foo yataha yepaka kaufela seo ngu ibonisize, kuzwelela kwa Edeni kutaha cwalo Muuna wa fela fela inza zamaya kutaha kwa nuka.

²⁰⁰ Se bali, “Joani, u zibile cwani Zeo? Ha ni si ka bona neba nto yeshutana.”

²⁰¹ “Kono Ni paka cwana kuli, Ni boni Moya wa Mulimu ha u tuluka sina liiba, ni Linzwi la li, ‘Yo ki Mwana ka ya latwa Ye Ni katelwa.’”

²⁰² Mutualime Nkwilimba ni Ngunyana. Mwabona? Eehe. Kucwani kambe neli...kucwani kambe ne ikaba nto yeñwi... Kucwani kambe ne ikaba sitongwani sene si ka yema fani? Kihande, Ngunyana yani ne isike ya zamaya fahalimwa... kamba Nkwilimba yani... Mulimu ku ponahaza Iliyena ka liiba, ili ye ishuwile hahulu kwa linyunywani kaufela za lihalimu; Mwana Hae ka ngu, yena ya ishuwile hahulu kwa lifolofolo kaufela fa lifasi. Mwabona, nyunywani ye kenile ya lihalimu, isiñi liñwalala; isiñi linoñu, kono ki nkwilimba. Isiñi kulube, kono ki ngu. Sibupeho sifi kaufela ne si sike sa zamaelela hamoho.

²⁰³ Mi mulemuhe fani Nkwilimba ha itaha fa Ngunyana, Ne i Mu etelezi. Isiñi mwa Na latela, kono ka nzila yeo Ndate na Mu zamaisa ka yona. Cwalo kona mo inezi ngunyana yaniti kacenu. O ngu ya nako ya Kilisimasi, kana ha uzibi kuli Mulimu uzamaisa fela ka Linzwi la Hae? Wani kona mulamu wa Hae.

²⁰⁴ Mulemuhe hakuna se ne si ka nga sibaka, kono Joani ali, “Babañwi ba bona ne ba si ka Li bona, kono Ni paka kuli, ‘Ni Li boni.’” Kuzibahalisa: “Amubone, Ngunyana ya Mulimu ye takula libi za lifasi.”

²⁰⁵ Mi Ni zibahalise Liñusa laka la Kilisimasi cwale, mi ha Ni nze ni kwala cwale: “Jesu Kreste, ya swana maabani, kacenu, ni kuyakuile.” Yena ki Ngunyana yeswana yani. Yena usali fela Ngunyana kacenu sina mwa Na inezi nako yani. Yena uteni hahulu mo sina mwa Na inezi kwani, kakuli Linzwi la Hae la swana. “Kaufela koku kopani bababeli kamba babalalu mwa Libizo la Ka, Ni mwateni mwahala bona.” Sani kona sa Na bulezli luli. Yena ha cinci, Ki Mulimu ya li Linzwi. Yena ha cinci; u sa fa lingu za Hae, ni ku li fepa ka Mupolofita wa Hae wa Mulisana, lico za Hae za lingu pili. Isiñi ku muituti wa za bulapeli; kwa lingu za Hae.

²⁰⁶ Habana ku... Kana babañwi bakona cwani ku Li ca. Kono haili baba butali... Mulemuhe se! Kono baba butali ni ba ngana ya butu, baba lutilwe hande ka lifasi, ba sa lakaza kubulela kuli kuna ni Santa Claus. Mi kuna ni mifuta kaufela ya buhata ni zeñwi ze ba lapela, kakuli habana ku Mu amuhela, yena ya li Linzwi; kakuli mwa likopano za bona, ha Li swaneli mwa

maikuto a bona, ki balisana baba keni fela musebezi. Balisana ba ba hola mali kwa tuto ya litumelo, baba ka bata ku mi kopanyeza mwatasa puli iliñwi, musike mwa li lumela! Ba ka kuisa kwa libulaelo. Mu utwe Mulisana Yomutuna ya na pepilwe myaha ye mianda ye naintini kwa mulaho, ka kweli ye. Linako zeñwi kwande kwani, mwa Liñusa la Hae, kwa taha balisana ba niti bene ba ziba mwa ku babalelela lingu.

²⁰⁷ Kulemuha, ba sa lakaza ona cwalo. Habana ku Li amuhela kacenu, ka kuswana fela sina mo ne ba si ka ezeza linako zani, kakuli ha li swaneli mwa maikuto a bona a za bulapeli. Ba fetula Linzwi lani ni ku li tamahanya ka kopano ya bona, mi habana ku kutaza Linzwi. Habana kueza cwalo! Ba li, “Kihande, zani neli za mazazi a baapositola. Ha li talusi se.” Li talusa ona cwalo fela mo Li bulelela, Ha li tokwi mutu ufi kaufela kuli . . . ? . . . a Li tolokele musili.

²⁰⁸ Cwale ki foo ka hola ye lu inamise litoho za luna ni lipilu kwa liluli la lifasi, ni kuakufela kapili luli kwa sicelo, kubona ni kuamuhela Liseli leo Linzwi le litisa ka Mulisana: yena Mulisana Yomutuna wa Mupolofita, Jesu Kreste Mwana Mulimu. Ni bulezzi ku mina fa nako yetelele. Mwendi ha ni si ka toma manzwi aka sina muituti wa za bulapeli mwa lukela kubela, Ha ni liki kueza cwalo. Ni lika ku Li bulela fela kuya ka mwa Li fela kuna.

²⁰⁹ Kono, kana mwa bona libaka hane ibile balisana? Babañwi ne ba lutilwe hahulu mwa muhupulo usili kufitela ba palelwa ku Li amuhela. Ni kacenu luna ni mifuta kaufela ya batoneli, batanga ba mupotoloho, mabishopu, baprisita, baika ba za bulapeli, mapope, lika kaufela mwa lifasi, ze lika ku lu zamaisa. Kono Mulimu ulufige Mulisana, mi Mulisana yani ki Moya o Kenile.

²¹⁰ Muteeleze ku na cwale. “Mi Ha . . . ” (isisñi muhupulo, Yena ki tulokandina twa mutu) “Mi Yena Moya o Kenile ha sa tile (Moya wa Niti), Uka patulula lika ze ku mina ze Ni mi bulelezi, mi uka mi bonisa lika ze sa taha.” Yani ki yena Mulisana Yomutuna, Yani ki yena Mulisana Jesu ya na sile. Mi Moya o Kenile no ñozi Bibele, Bibele ibulezi ona cwalo, “Baana ‘ba kale, ne ba zamaiswa ka Moya o Kenile, bañola Linzwi.” Cwale, kana Moya o Kenile wakona ku mi hohela kwa tuto ya tumelo? Kana Uka mi hohela—ku mi hohela kwa sika seo Linzwi le li sa buleli? Kiñi, ikona kuba nto ye tata luli. Moya o Kenile ukona kuba lihata haiba Na bulezi kuli “Se kona se mu lukela kueza,” mi kipeto ni kufetuha ni kubulela kuli, “Batili, Neli mafosisa, mi mueza se ibulela keleke.”

²¹¹ Cwale, haiba ubile uteeleza nto isili sili, kuna ni ya ku hohezi kwahule ni lika za niti, mulisana wa niti ya ka ku zamaisa kwa Linzwi, ona Moya o Kenile, mi hauna kutwisiso, mi hauna bupaki bwa Moya o Kenile mwa bupilo bwa hao, kanti mane kusina . . .

²¹² Mulimu ki Alimuñwi. Mulimu ki yena fela anosi yana ni Bupilo Bobusafeli, mi Yena ki Bupilo Bobusafeli. Mi sika kaufela se si na ni makalelo sina ni mafelelezo. Mi haiba u membala fela wa keleke, ne ina ni makalelo. Kono Linzwi la Mulimu halina makalelo, Mulimu haana . . . Mi ha u pepilwe ki Mulimu, u pepilwe ka Linzwi, konakuli uba mwana Mulimu, mi libizo la hao li ñozwi mwa Buka ya Bupilo ya Ngunyana ku si kaba kale mutomo wa lifasi. Mi wena, mubala wa milili yo nani, meto a mubala o nani, sibupeho seuli ku sona, Mulimu na ku boni kusikaba kale mutomo wa lifasi. Mi A kubona, uli mutu ka sibupeho, sina mo inezi cwalo. Mi ni ha ku ka taha myaha ye lule lule hape, hakuna se si kona ku ku paleliswa kukutela ku se si petehile seo siswaniso seo Mulimu na ku lukiselize kwa simuluhu, “Lingu za ka liutwa Linzwi la Ka, usili halina ku mu latelela.”

²¹³ Mi haiba ha u si ka amuhela Bupilo Bobusafeli bwani, busihu boo, mi utalimela fa—fa—fa likande la buhata la mbututu yomunyinyani yana lobezi mwa—mwa—mwa sicelo, ni sikuwata sa baana baba butali kwa matuko, usike wa lumela lika zecwalo zeo. Ni kulika ku nahana kuli, “Kihande, Ni ka ba hande. Mi Ni ka eza se. Mi Ni ka ikopanya kwa keleke. Mi kona fela ze Ni tokwa kueza.” U latehile. Haiba hauna Bupilo Bobusafeli, ukona kupila cwani kuyakuile?

²¹⁴ Wa kona kunga bubeke bwa mbonyi, Hanina taba ka mo bu bonahela, wakona ku kon—. . . Sayansi i ezize iliñwi, kuli wakona ku i sehulula kuikwalula: ina ni mufuta o swana wa mukamo, mufuta o swana wa pilu, libyana ze swana zeo bubeke bo bu hulile kuzwa mwa simu bu nani, ki nto yeswana. No ka li beya mwa sibaka sa lipatisiso za bupilo, mi hauna kuziba shutano mwahala ye ku yeñwi: iliñwi ika eza eza buhobe bobunde kuswana fela sina bo bu ezzizwe ku yeñwi, ye ika eza bupi bo bu nekile. Kono nzila fela ye mukona ku li ziba ka yona, ki ku lipumbeka. Yona ya bupile mutu, ika ineleta mwani, ika bola mi haiba kumela. Kono yona ya ezize Mulimu, ina ni siemba sa bupilo, ika pila hape.

²¹⁵ Wakona kulikanyisa Mukreste, wakona kuya kwa keleke inge Mukreste, wakona kuñola libizo la hao mwa buka sina Mukreste, wakona kuikopanya kwa kopano sina Mukreste; zeo likaba fela hande, kono kwanda kuli Bupilo Bobusafeli bwani bu be ku wena boo Mulisana Yomunde yani ufile Bupilo bwa Hae, ku kauhana . . . Fani Mulimu ha na tile kwa Pentekota, Na tile mwa sikoto sa mulilo sina mwa Na ezelize fa Lilundu la Sinai, sina mwa Na ezelize ku mulisana wa pili, Mushe. Mi cwale ha Na tilefafasi, Na ikauhanyize Iliyena ka malimi a mulilo ana lulile fahalimwa mañi ni mañi wa bona, Mulimu inza ikaba Iliyena mwa sicaba sa Hae. Mi kwanda kuli u amuhele sani . . . Pitrosi naize kuli “I ku mina, ni kwa bana ba mina, ku babali kwahule kaufela.”

²¹⁶ Balikani, musike mwa teezeza kwa litangu kaufela la bulapeli, mu pepwe sinca. Mi cwale ha mu ba cwalo, Moya oli ku mina ki siemba sa Mulimu, mi upakelana ni Linzwi la Mulimu kaufela kuba “Niti.” Haiba hauna kutwisiso yeo, ha lu akufeleñi kwa sicelo, kwa Linzwi. Ha lu akufeleñi kwa Bibele, kuzwa mwa likeleke ze kabisizwe hande za bulapeli zee, kutaha kwa sicelo sa niti, kutaha kwa Linzwi la Mulimu koo Mesia a zibahalile.

Ka litoho za luna ze inami, halu lapeleñi.

²¹⁷ Mulimu Yomunde, kona fela ze Ni ziba kubulela ka nako ye. Lu atumela Kilisimasi, mikwakwa itezi nyangela ya baana ni basali, bashimani ni basizada, inge ba filika-filika, ku kashana ni kutundanisana, ba lika kuleka mpo ya kufa ku yomuñwi ya ka bafa ona cwalo ni bona. Batu babañata baba ipiza kuli Bakreste bazwezi kwande mwa mikwakwa banze ba lekaka makwai, macwala, kuti ki limpo za Kilisimasi. Mulimu, ku bonahala inge kuli basweli ku li nepela kwa sifateho sa Hao, baluta bana ba bona matangu amañwi, a Maroma, a lituto za buhedeni za Saint Nicholas, litangu leliñwi le li bunolo le li amuhelwa ka lifasi, mi kipeto ba fulalezi Kreste wa niti wa Kilisimasi, yena Ngunyana ya niti.

²¹⁸ Mulimu, Na lapela, busihu boo, kuli sina litoho zaluna ha li talimilefafasi kwa liluli Lo lu zusize ku lona, . . . No bulelezi Abrahama nako yeñwi, yena mupolofita yomutuna wali, “Zwela fande, Abrahama, mi ubale mushabati oli fa likamba la liwate.”

²¹⁹ Mi akutisa manzwi a kuli, “Ki omuñata hauna fo ukuma, Hanikoni ku u bala.”

²²⁰ Mi Wa li, “Talima kwa lihalimu, mi ubale linaleli.” Mi na ziba kuli zani ne li sa konahali. Mi Wa li ku yena, “Ki fo ba ka kuma ni bana ba hao.” Lu talima fa liñusa lani ku mupolofita wa mulisana yani, “kuzwa kwa liluli la lifasi, ku ya kwa linaleli za lihalimu,” kuli ni ha ku kaba lifu mwa mibili ya luna ye shwa ku lu isa kwa liluli, kuna ni Bupilo bo bu kona ku lu zusa ku ya kwa linaleli.

²²¹ Sina ha No bulezi ku mupolofita wa Hao yomutuna Daniele kuli, “Mi baba ziba Mulimu wa bona, mwa mazazi a maungulo, ba ka eza ze komokisa ka mata. Mi baba sikululezi babañata kwa kuluka ba ka benya kufita linaleli kamita ni mita.”

²²² Mulena Mulimu, Mubupi Yomutuna, Yana itakalelize hahulu kutaha mwa lifasi mwa mufuta wa Jesu, kutuhela mutu kuziba seo Mulimu nali sona. Mi ki Wena fela yana kona kunga koto ya lifu, nekusina Lingeloi, hakuna sa kuyolisa sene si kona kueza cwalo. Ki wena ya Na beile mulatu, mi ki Wena fela unosi ya kona ku u zwisa kwateni. Mi ka kuba Moya, No si ka shwa. Kono No ezizwe nama kuli U shwe; mi wa to ba Ngunyana kuli U kone ku takula sibi sa bo liuluzi ba Hao, kuli No ba liuluzi ka Mali a Hao Tota.

²²³ Oh, likande ki lelituna hahulu, Mulena, li fita fa litoho za babañata hahulu. Ka kunahana kuli: “Jehova yomunyinyani, na lobezi mwa sicelo, Na na ni kupila sina mbututu. Jehova yomunyinyani, ya pepezwi mwa sicelo. Jehova yomunyinyani, inza bapala ni bana mwa mikwakwa. Jehova yomunyinyani, mwanana mwa bunca bwa hae. Jehova yomunyinyani, inza kena sikolo. Ni Jehova, yena Yamata.” Wa nga libaka ze kaufela. “Mi cwale, Jehova, yena Ngunnyana. Jehova, yena Mupolofita.” Mi Wa ba ze kaufela kuli Ukone kunyandelaa koto ya sibi, ni kufa ku luna Bupilo Bobusafeli.

²²⁴ Lu swalele, O Mulimu, luna, babotana, libupiwa ze sa swaneli za lifasi le. Lu kokobelizwe hahulu busihu cwana, Mulena, ha lu bala So luezelize, ni zenyinyani ze lu ezize wena. Mo No tezi mwa mazazi a baeteleli ba bulapeli! Mo No itakaleza kuyemela ni ku bonahalisa Linzwi la Ndate! Mo No si ka keshebiseza ka lituto za bona! Mi kacenu kubonahala inge kuli hakuna ya tabela kuyema ka kushutana ni kubiza Linzwi niteñi kuli “Ki Linzwi,” mi kusina ku keshebisa. Lwa lapela, Mulimu, U lu swalele ka lika ze lu keshebisize hahulu zee. Ni kufa ku luna busihu bwa kacenu, mwa lipilu za luna, halunze lu fa ku Wena sina sicelo. Mi lu ziba kuli nako kaufela yeo Kreste ya Takisizwe a muhelwa, kuna ni kupepwa ko kunca, kuba ni ngu yenca yepepilwe, kuna ni kuopela mwa Lihalimu mwahala Mangeloi. Bakeñisa muezalibi alimuñwi ya baka, Mangeloi a opela hape.

²²⁵ Lwa lapela, Mulimu, kuli haiba kuna ni babañwi mo busihu cwana baba sa Ku zibi kuba Mpo ya luli ya Mulimu, kakuba Mupulusi wa butu, isiñi fela ka muhupulo wa minahano ya butu, kono ka kupepwa sinca (ka kupepwa kwa Moya wa Hao), ba U amuhele cwale, Mulena, ni litoho za luna ze inami. Mi haiba ku lukela kuba alimuñwi, Mulena, ya si ka eza kale se, pilu za bona ha li amuhele tabo cwale, ni kufumana sina balisana ba kale, mwa sicelo sa lipilu za bona, Linzwi, yena Mesia; ya ka pakiwa ku bona kuli ki Moya o Kenile, yena Mulisana yomutuna wa lizazi le. Lu kupa ze ka Libizo la Jesu.

²²⁶ Halunze lu inamisize litoho za luna, mi Ni sepa kuli lipilu zaluna liinami ni zona, kana muka—kana muka kona, muzwale waka yomunde, ni ha ukaba membala wa keleke... Mi Ni sepa kuli ha Ni si ka ku utwisa bumaswe ka kubulela ze Ni bulezi. Ni... Ku lukile kuba wa siemba sa keleke, lu lukela kueza cwalo, kono, O muzwale, fela usike mwa amuhela zeo, u lukela kupepwa sinca. Kona sa na bulezi Mupolofita Yomutuna wa Mulisana, “U swanezi kupepwa sinca.” Na bulezi cwalo ku muituti wa za bulapeli, “U lukela kupepwa sinca.”

²²⁷ Mi ha u pepilwe sinca, ha ki kuli fela wa lumela. Ba li, “U pepilwe ha u lumela.”

²²⁸ Kono Bibele iize, “Diabulosi wa lumela, ni yena.” Cwale, mulemuhe, ha ki cwalo, ki kutwisiso.

²²⁹ Mu li, “Kihande, Ni pilile bupilo bobunde.”

²³⁰ Kona mo ne ba ezelize ni ba apositola, kono ne ba si ka pepwa sinca kufitela ba amuhela Moya o Kenile. Mane ne ba si ka fetulwa kufitela ba amuhela Moya o Kenile. Mwa hupula busihu bwani a si ka betekwa kale...kamba busihu bwa kubetekiwa kwa hae, kubeteka ku si ka ezahala kale fela? Jesu ali ku Simoni Pitrosi, “Ha u so fetuhile, kona kuli utiise bahenu.” Mi Pitrosi na sa Mu latezi ka lilimo zetalu ni licika, mi na sa lelekile mioya yemaswe, ni kufolisa bakuli, na kutilize Evangelii, kono niteñi (kuya ka Linzwi) na si ka fetulwa kale mane.

²³¹ Cwale, kikuli mubata mufuta wa—mufuta wa Mulumiwa ya cwalo mwa lipilu zamina busihu cwana? Haiba—haiba luli mubata Zeo...Hakuna shutano ni yekana ka sa bulela mutu, Ki niti, muzwale, kezeli. Ni ziba kuli yeo ki niti. Kana mina, foo toho kaufela ha i inami ni liito kaufela li itimile, isini ku na, Na ni mutu fela, muzwale wa hao, kono ku Kreste kona ku lukela kunanulela lizoho la hao, kuli, “Na lumela Cwalo. Mi luli Ni bata kuli Kreste abe mwa pilu yaka, yena Kreste wa niti wa Kilisimasi”? Kana u ka nanula lizoho la hao cwale? Mulimu aku fuyole. Zeo ki zende. Mulimu aku fuyole, ni wena. Mulimu amku fuyole. Mawi, mazoho kai ni kai.

²³² Mi ha li ezahale, muzwale; ha li ezahale, kezeli; ma li ezahale, mulikana ka; u tazwe ka Moya wa Mulimu. Ki shutano mañi ye liteñi ku sa bulela mutu? Muhupule, ki bupilo bwa hao. Hakulata halukoni kuba mwa lifasi kakusasana, haluna neba—neba sepiso ya bupilo busihu kwanda bo lu buyela mwa lingo zaluna cwale. Hakulata ha lukoni kubuyela moyo o muñwi hape, konji fela muhau wa Mulimu. Mi ki bunde mañi bo si eza, hakuna taba kamba upilile ka bunde bo bucwan...? Jesu naize, “Kwanda kuli mutu apepwe sinca, hana ku yo kena.”

²³³ Cwale, Ni ziba *mabizo* a manzwi a itusiswanga fa kupepwa sinca koo, kono ha lu talimeñi fela sene si ezahalile mwa Bibele hane ba pepilwe sinca. Pitrosi nali mulumeli, ba apositola neli balumeli, kono ne ba si ka pepwa sinca kufitela Moya o Kenile ha u ba suluhela kwa Pentekota. Cwale, ne ba komoka sene si ezahalile, mi Pitrosi ali, inge ayemi ni babañwi ba bona, “Mina baana ba Isilaele, taba ye izibahale ku mina; Jesu wa Nazareta, muuna ye mu supelizwe ki Mulimu ka likezo ze mata ni ka liponiso ni ka ze komokisa, za ezize Mulimu ka Yena; ni ka ku izibela kwa Hae pili, mi mu mukokotezi fa sifapano ka mazoho a ba bamaswe mu mu bulaire, Yo Mulimu a zusize mi lu lipaki za Hae. U suluzi se ili se muiponela ni kuutwa cwale, mi ki kuya ka Mañolo.”

²³⁴ Mi cwale, ha ba utwa zeo, ba tabeha mwa lipilu, mi bali, “Mizwale ni banabahesu, ki sikamañi se lu ka eza kuli lupiliswe?”

²³⁵ Pitrosi ali ku bona, “Mubake!”

²³⁶ Cwale, mulikana ka wa Katolika ya inzi fa, bao Ni ziba kuli kuna ni babane kamba ba ketalizoho babaliteni mo. Ne ni sweli kuikambota taba ye ni muprisita wa mina, mwendi isiñi muprisita wa mina *tenyene*, kono neli alimuñwi wa baprisita ba Katolika, ki hali, “Jesu na file keleke mata a kuswalela libi, ‘Ye mu ka swalela libi, u swalezwi luli; ye mu sa swaleli libi za hae, li ka siyala ona cwalo.’” Yeo ki niti. Kono ha lu tokomeleñi mwa na li ezelize, mo baapositola ne ba latelezi mulao wa Hae, isiñi kuya ka—ka mwa ezeza muprisita wa kacenu.

²³⁷ Kono ki sikamañi sa na ezize muprisita wa pili, haiba mubata ku mu biza cwalo, Pitrosi, yana nani linotolo za Mubuso, kana na bulezzi cwani mwa ku ezeza? Na ize, “Mubake, mañi ni mañi wa mina, mi mu kolobezwe ka libizo la Jesu Kreste kwa swalelo ya libi za mina, mi mu ka amuhela mpo ya Moya o Kenile. Kakuli sepiço i ezelizwe mina, ni bana ba mina, ni ba ba kwahule, kamukana ba ka lata kubiza Mulena Mulimu wa luna.” Mi haiba Mulimu u sa biza, kutwisiso yeswana ki ya mina haiba mu ka latelela munwelo wa mulyani o swana. Haiba kopano ye ilumela Cwalo, ni litoho za mina zeinami, muli, “Amen.” [Puteho ili, “Amen.”—Mu.] Konakuli, sika kaufela se si shutana ni Linzwi, mi isi kuya ka Mulisana.

²³⁸ Mulena Jesu, ba mwa mazoho a Hao cwale. Ni lapela kuli pilu kaufela ye kwaluhile busihu bo yesina Kreste, Mesia (mi Kreste ki yena Linzwi, lona Linzwi le li tozizwe le li bonahalile), mi haiba kuna ni lipilu ze kwaluhile mo busihu cwana ze sina Mesia yani, Mpo ya niti ya Kilisimasi, yona Mpo ya niti ya Kilisimasi ye liteni, ya file Mulimu kwa lifasi, ni ku I zibahaza kwa lifasi ka balisana, yona Ngunnyana ya Hae, yeli Swalelo ya sibi, mi haiba pilu yani ikwaluhile busihu boo, beya ku yona, Mulena, yena Mesia Linzwi la kacenu. Lu ba beya ku Wena ka Libizo la Jesu Kreste, Mwana Hao. Amen.

²³⁹ Kikuli mwa Mu lata? Kikuli mwa Mu lumela naa? “Mubate pili Mubuso wa Mulimu, ni kuluka kwa Hae, ni linto zeo kamukana mu ka li ekelezwa kwatenei.”

²⁴⁰ Balikani, lu si ka zwa kale, Ni bata kubulela cwana. Linako zeñata, ha ba Ni utwisisangi batu. Ni na ni Liñusa le lizwa ku Mulimu, mi Ni swanezi ku zibahaza Liñusa leo kupale kumane. Ni ziba kuli ha Li si ka utwisiseha. Kambe Ne kusi cwalo, kona kuli Ne li sike la ba Liñusa la Mulimu; Ne ku sike kwaba cwalo. Kuna ni ku kakanya ko kuñata hahulu kacenu ka Lona ze sa utwisisehi. Ni lumela kuli Mulimu una ni mutu mwa kopano ifi kaufela ni katengo ka lifasi, mi ha ki kuli Ni lwanisa mizwale ya ka. Ni tile kwanu kwa Tucson, lilimo zetalu kwa mulaho, mi ne ni bile ni mukopano ni mina bakutazi kwani ku Muzwale Gilmore, mi ne ku buzizwe kuli, kana Ni “tiule kwanu ku to kaliza keleke nji”

²⁴¹ Se nili, "Batili, sha. Ni tile kwanu ku to tusa *mina*." Kono ha Ni si ka kupiwa kale, mwa lilimo zetalu ze. Kono kinto yeswana fela, Ni kwanu ku to mi tusa. Ni kwanu kuli ni swalane mazoho ni mina, isiñi ku to ikopanya ku mina, kono ku ikopanya mazoho ni pilu ni mina fa Linzwi la Mulimu, ka kulika kukutaza Evangelii kwa moyo kaufela olatehile ni mutu kaufela ya tokwa tuso ya li mwatasa mulumo wa manzwi aluna.

²⁴² Ni ipa ili na ku Mulimu, busihu boo, ka pilu yaka kaufela, ni zeli kuna kaufela. Hanina zeñata hahulu za kufa; Hani komi kutisa insense, mirra, ni gauda, kakuli Hanina zona. Kono kaufela ze Ni nani ka na luli zona zeo Mulimu anifile, bupilo bo, Ni lifa ku Yena sincsa busihu boo, fa sicelo sa Linzwi la Hae mwa pilu yaka; ni ku Mu sepisa, kuli ni ka yema ni Linzwi lani, haiba Ani lumeleza kupila mwaha omuñwi, ka kusepahala fela ka mo Ni yemezi fa; ni ka kutaza siemba sa Lona kaufela, ni kulumela siemba sa Lona kaufela; kacwalo, nituse, Mulimu. Kikuli mu ka eza zeswana ni na?

²⁴³ Lu amuhele, Mulena. Lu amuhela Mpo ya Hao ya Kilisimasi, yena Mesia, ili Linzwi le li tozizwe le li paka Kubateni kwa Hao hamoho ni luna, Mulena, hakuna taba ka tuto ya tumelo kamba kopano. Lu ipumana, ili luna kacenu, lifasi lisweli la ikaba, mi fa Mesia yomutuna uyemi ni mazoho a Hae a otolohile: Jesu Kreste ki ya swana maabani, kacenu, ni kuyakuile, yana file lisepiso, kuli mwa mazazi a maungulo aa, keleke ikone kuba ye swalisan luli kufitela ikena mwa Laodesia. Mi lwa libona kacenu, Mulena.

²⁴⁴ Ki sikamañi se lukona kueza, Mulimu yomunde? Ki sikamañi se Ni kona kueza? Ni tuse ni balisana babañwi ba, Mulena, mwa lifasi kaufela, balisana ba Linzwi, kuli ba Li kutaze Mulena, mwa silimo se sitaha se. Lu tuse, Mulena, lwa lapela. Lu fe kwa Lilato la Hao ni Moya wa Hao ni Liseli la Hao. Luipta ili luna busihu cwana kwa Lizwi la Hao ni kwa pizo ya Hao. Ka Libizo la Jesu Kreste, lu amuhela Mpo ya Hao ya Kilisimasi: ili Linzwi la Mulimu le li ezizwe nama ku luna. Amen.

²⁴⁵ Na lata lipina za keleke. Paulusi naize, mwa Bibele, "Ha Ni opela, Ni ka opela ka Moya. Ha ni kutaza, Ni kutaza ka Moya. Mi ha Ni... kaufela se Ni eza, Ni eza kaufela ka Libizo la Jesu Kreste." Cwale, ka kuba kuli Se sibile sa mukatala luli ku mina... Mi Na—Na itumela ku mina. Ni tile ni Liñusa le. Fokuñwi likona kubonahala inge kuli Ni toile fela ku Li bulelanga, kono ibo Ni—Ni na ni tamehile ku zeo, mizwale yaluna. Haiba ha Ni ezi cwalo, Ni muipi. Ha Ni sa ezi cwalo, Ni muhanyezi wa lizwalo laka luli, mi ni—ni tumelo yaka luli mwa Linzwi la Mulimu. Ni swanelia kueza cwalo, kuli ni si ke na ba ya shutani, kono kuli ni be wa niti kwa pizo yaka. Mi Ni bata ku mi tusa kaufela mina, Ni bata kueza lika kaufela ze Ni kona.

²⁴⁶ Cwale ha lu opeleñi iliñwi ya lipina zetuna za linako kaufela, Na i lata hande luli, *Na Mu lata*. Mwa ziba, Ni lumela kuli kambe

kamukana luna ne lu ka Mu lata fela, ne luka eza Sa lu kupile kueza. “Mu Ni biza cwani, ‘Mulena,’ kanti ha muezi lika ze Ni mi laela kueza? Mu Ni biza cwani, ‘Mulena,’ mi cwale ha muezi se Ni mi bulelezi kueza?”

²⁴⁷ Kikuli mutabela kuteeleza ku mulisana ya sebeleza masheleñi ya kona kubulela kuli “ñola libizo la hao mwa buka, ni kuikopanya; amuhela silalu se, ubulele *cwana*, mi ku ka likana,” kanti Mulisana Yomutuna yena Kasibili na bulezi kuli “kwanda kuli mutu a pepwe sincá hakoni kubona Mubuso wa Lihalimu”?

²⁴⁸ Mi mutualime baituti ba za bulapeli ba lizazi lani, baba lutilwe! Kukena? Kupila ka kuluka? Haluna se lukona kubapisa ku zani kacenu, ka mo ne ba pilela. Mi cwale kana Mulisana Yomutuna na ba bizize cwani? Naize, “Mina mu zwa ku ndata mina diabulosi,” kakuli ne ba si ka... Ne ba lemuhile Linzwi, kono Linzwi la lizazi lisili, isiñi Linzwi la lizazi *lani*.

²⁴⁹ Kambe ne ba zibile nako ya Nuwe, zeo ki zende, yani neli nako ya Nuwe; kono ne li si ke za beleka mwa nako ya Mushe. Mi nako ya Mushe ne i si ke ya beleka mwa nako ya Kreste. Mwabona? Nako ya Luther haina kubeleka mwa nako ya Wesley. Nako ya Wesley haina kubela mwa nako ya ba Pentekota. Mi Pentekota i ezize lika zeswana ze ba ezize babañwi babona baba siyezi. Cwale, ki mañi ya ni file tuso mwa mazazi a kwa mulaho? Ni mi buzize.

²⁵⁰ Litali la bucwani ha li taha, ki sikamañi seo? Sikamañi... mi litali la buloto ha li taha. Jesu naize, “Kwanda kuli bubeke bwa buloto buwele mwa mubu.” Ki sikamañi se si ezahala bubeke bwa buloto... kamba buloto ha buwela mwa mubu? Nto yapili ye taha ki lutaka lo lu nyinyani. Haki—haki bubeke bone bukeni mwa mubu. Mutualime za taho. Ha ki kuli sina bubeke bo ne buile mwa mubu, kono ki sishimbelo sa Bupilo bwa peu. Kona se sitile...

²⁵¹ Mutu ya sa zibi za bumulimu yani ya na ñozi buka yeli, *Mulimu Ya Kuzize*, ne iize, “Ku kona cwani kuba Mulimu ya kona kukwalula Liwate Lelifubelu, ni kuyema ka myaha ye likitikiti ya masika a lififi ni kubona bana babanyinyani inge ba ciwa ki litau, ni batu inge ba kokotelwa fa likota, ni ku bulaiwa mwa makululu ni lika zecwalo, kono yena atokwe kuatamisa mulomo wa Hae?” Mwabona, Linzwi ki sinulo.

²⁵² Buloto bwani, buloto bwa niti bwani ha ne bu melile kwa simuluho, bwa filikanya Mulimu. Mi mafelelezo kwa taha Buloto, bo bu bonisa Mulimu handende, bo ne bu bonahalize Linzwi kaufela kuli mane Nali yena Linzwi. Mi Mulimu a Mu fa Munyaliwa kwa Pentekota; kono Munyaliwa yani awela mwa mubu mwahala masika a lififi, inge fela buloto bwa niti mo ne bu ezelize, Bwa wela mwateni. Mi kiní hane bu si ka eza? Kakuli ne li patilwe mwatasa lifasi, nelina ni kubola lisika tisa kale bupilo.

²⁵³ Kono kwa taha muprisita yomunyinyani nako yeñwi, wa libizo la Martin Luther, mi ki ha btisa Linzwi li liliñwi la Niti: “Baba lukile baka pila ka tumelo,” kwa taha litali; mi kwa taha litali leliñwi la i latelela, Zwingli, mi kwa taha Calvin ni Knox ni kushetumuka cwalo.

²⁵⁴ Taba yapili mwa ziba, ya cinca matali a yona, ya kena mwa sibunga. Cwale, sani ne si bonahala inge sona, kono niteñi ne si sika sa niti sene si keni mwa mubu, kwa taha Wesley mwateni. Kuzwa ku Wesley kwa taha keleke ya ba Methodist, kuzwa kwa keleke ya Methodist kwa taha ba Nazarene, Ba United Brethren, ni babañwi cwalo. Ne si ezize sikamañi? Sa wa hape mi sa tahisa ka buñata, ku bonahala inge peu ya niti ya buloto cwale, Pentekota.

²⁵⁵ Cwale, mutualime Jesu, mwa Mateu 24:24, “Mwa lizazi la maungulo, mioya yemibeli ikaba hahulu fakaufi hamoho kufitela ipuma ni bona ba Baketilwe, haiba ku konahala.” Cwale, bubeke bwa buloto bwani hane butile, mulimi wa buloto kaufela u ziba kuli libonahalanga kuswana luli, bubeke bwa buloto. Kono ha muinefafasi ni ku i swala mwa lizoho la mina, ku i kwalula. Hakuna buloto ku yona, ki sikapi. Kono kwa mulaho koo, ka kuitusisa maikulosokopu mwakona kubona katuhela nyana inge ka shoshela, kutaha bubeke bwateni. Mi cwale ki sikamañi se si lukela kueza sikapi sani? Ki ku sileleza bubeke, lizazi le li cisa li ka bu bulaya, si ka sileleza bubeke kufitela bubeke bu hula. Mi cwale bubeke ha bu hulile, sikapi sa yebuha kwa teni. Kono, kana mulemuhile, peu yani ha i taha, ina ni kuba ka mufuta o swana wa peu ye ne wezi mwa mubu.

²⁵⁶ Kasamulaho wa ancafazo ya Luther, kwa taha kopano. Kasamulaho wa ancafazo ya Wesley, kwa taha kopano. Kasamulaho wa Alexander Smith, John... Alexander Campbell, John Smith, kaufela bona, kwa taha kopano. Kasamulaho wa Pentekota, kutahafafasi cwalo sina sika sa niti, kono kwa taha kopano. Ki sikamañi sene si ezahalile? Sa comoha kwatensi.

²⁵⁷ Lubile ni myaha ye fifitini ya ancafazo, ye si ka zibahala kale mwa litaba za kale kaufela. Mi mutualime, mwa ancafazo ya lilimo ze lishumi ka ze ketalizoho ye, I hasanezi mwa lifasi kaufela, mi hakuna neba kopano iliñwi ye zwile ku Yona. Neli Kani kwani? (Ne li kalisize pula ya mwa mulaho, mi ya shwela mwa... kapili, ya shwa.) Ha ku si ka ba kopano ye latelezi mwa mulaho wa Ye. Kiñi? Ki buloto Kasibili, ha ku koni kuba nto isili hape. Mi sikapi cwale si sweli kuyebuha kwatensi, hakuna katengo, hakuna mutu ya ku tabela. Kiñi ha kuli cwalo? Si na kuba Cwalo.

²⁵⁸ Kiñi keleke yani ha ne i tomilwe kwani? Ka ku Iyemela. Koo... Ki mañi ya ka swalisana ni yona? Ki Baptist ifi, kamba Presbyterian, kamba Lutheran ye ne ka yemela sikundi sa foliso ya Bumulimu? Cwale mi Niti ha i taha, kiñi ze ezahalile? Isiñi

sikapi; kono Bupilo buzwa mwa sikapi, kukena mwa bubeke, ona Bupilo bwa niti. Kopano iyemela fani, inge i shwile, inge fela mo ne i ezelize mwa lusika ni lusika, ieza nto yeswana. U zwile ku zeo, myaha ye mashumi aketalizoho kwa mulaho, ni kukutela ku zona hape! Kono Bupilo bwa niti bulatelela bubeke, lu kwa nako ya maungulo, mizwale.

²⁵⁹ Ki sikamañi se ne buzwezi kwateni? Neli kuli butise bubeke fapila Mwana, ku buzwisa bubeke kubuzweza ku Mulena bona handende. Kiñi se bu yebuhezi kwateni? Kakuli, si tisa kukula pilu, mikoko, kuli ha bu ini fapila l-i-z-a-z-i, kono ki M-w-a-n-a, ku buzweza kwa Evangelisti yetezi yaniti, kubonalisa lika kaufela zeo Jesu Kreste na sepisize mwa Bibebe. Kuna ni Mubili o taha kacenu mwahala sicaba. Mi hakuna kuba kopano, ikenelela fela mwa Laodesia. Kana kopano i fumisizwe ka sikamañi? Ma milioni a madollar, ni ma milioni a miyo.

²⁶⁰ Mi Mulisana na tezi sikamañi? Ne li ku to lamulela banabahabo mwa butanga. Ha—Ha ni zibi; Mulimu abe ni luna, alu tuse. Lubale Linzwi! Mubale Mañolo! Ku Ona mu hupula kuli muna ni Bupilo Bobusafeli, mi ki Ona a mi pakela Niti. Mwabona, Mulimu u tomezi Manzwi a Hae kwa lusika kaufela. Lusika loo kamita...

²⁶¹ Ki sikamañi sa na bulezi Jesu nako Yana tile? Na bulezzi kubona kuli, "Mina baipi! Mu basa mamota ka busweu, ni kuyaha mabita a bapolofita, mi bashemi ba mina kona ba ba ba beile mwateni. Mi mina mu bana ba ndata mina. Mi misebezi ye ba ezize mu kaieza ni mina." Ku kana kusiala ona cwalo, mizwale baka.

²⁶² Kono cwale Jesu ha ka taha zazi leliñwi, yena Mulisana Yomutuna wa lingu kuzwa kwa Pentekota kutaha ka Luther mwahala masika kaufela, baba amuhezi Liseli sina ha Li tile ka lishimbelo (kusina kuamuhela sishimbelo, ka amuhezi Liseli; mwabona, bazwela fande), Uka taha ku to liulula. Ni tabile hahulu kuli Ni ziba kuli Wa taha hape. Oh, kikuli mu ka balelwa hamoho ni sikwata sa Hae? Kikuli mu ka baliwa naa? Kuna ni fela nzila iliñwi ya kueza ka yona, isiñi ka kuikopanya kwa keleke, kono ki ka kupepwa ku Yena. "Mi kaufela ba Ni file Ndate, ba ka taha ku Na, mi hakuna mutu ya kona kutaha konji Ndate Ha mu biza." Mwabona, kona fela zeliteni ku zona, ku Li amuñela. Yena... Yeo kona fela Mpo ya Kilisimasi ye Ni ziba, ki mpo ya Mulimu ya Na file kwa lifasi, Mwana Hae wa libanda. Mi Yena wa swana, maabani, kacenu, ni kuyakuile, yena Linzwi. Mwabona? Mu Mu lumele mwa lizazi le, mutalelela wa Bibebe.

²⁶³ Fani likunutu zesupa zani... Kwa mulaho mwa Linako za Likeleke Zesupa zani, neku na ni makunutu apatilwe. Ni sweli kuñola buka ya Zona. Mi muituti yomutuna wa za bulapeli ali kuna ha ki kale hahulu, ali, "Muzwale Branham..." Mwabona ka mo Satani aka lika ku ku nyunga mwa mukwakwa? Na ize,

“Muzwale Branham, wa ziba kana? Ni lumela kuli Mulena uka patulula ku wena se lu lukela kueza se si tatama. Ki ku...ikaba kunutu yetuna ye patilwe mwahala Maswayo Asupa aa.”

²⁶⁴ Se nili, “Batili, zeo ha ki zona, muzwale.”

²⁶⁵ Na ize, “Ikaba sika se si si ka ñolwa mwa Linzwi.”

²⁶⁶ Se nili, “Batili! Batili! Mu libale, ‘Yo kaufela yaka ekeza linzwi li liliñwi, kamba kuzusa Linzwi kwatenei.’” Mwabona, Liteni kale mwani, kono baongaongi ba palezwi ku Li bona, ne ba si ka pila nako yetelele kuli ba Li bone.

²⁶⁷ Mi masika a felile cwale, luteni ona mwa Laodesia mo. Mi muhupule, lusika lwa Laodesia, Nali kwande a keleke, inza ngongota, kulika kukena mwahali: Eva na beile Adama wa hae kwande. Mulimu, lu tuse. Ha luyeñi kwande a mafulo ku yo Mu fumana. Ha lu nyandeleñi kwande a minyako ni Yena. Haluyeni ku Yena mwa lifu la Hae, mwa kupumbekwa kwa Hae, mi ni mwa zuho ya Hae; kakuli Yena wa swana maabani, kacenu, ni kuyakuile.

²⁶⁸ Halu opeleñi pina iliñwi lu si ka zwa kale. Nji cwani? *Na Mu lata*. Kana wakona ku lufa munembo, kezeli? Ki babakai baba ziba pina ya kale yeo? Ni...Haiba mukile mwaba mwa mikopano, Na i lata.

²⁶⁹ Cwale ha lu itimeñi fela meto, munahane ka Jehova. Hakuna ya na swanela, hakuna ya na kona kueza kwanda Hae. Mi ki Ha taha fafasi, ni kuba mbututu yomunyinyani. Na tile, ali mwanana yomunyinyani. A to ba mubeti, muuna wa miswalo. A ba Ngunnyana, A ba sitabelo. A zuha ka kukoma, Jehova. Mi sina Mushe mwa na hohezi lizoho la hae kuzwa fa sifuba sa hae kuzwa fa pilu ya hae, Mulimu a hoha lizoho la Hae kuzwa mwa sifuba sa Hae (kunutu ya Hae) Mwana Hae ya na natilwe ka butuku bwa sibi, se si sina kalafo; ni ku Li beya mwa sifuba hape, ni ku Li hoha ni ku Li tisa ku wena ni Na: “Jesu Kreste wa swana maabani, kacenu, ni kuyakuile.”

²⁷⁰ Amu Mu talime cwale.

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

²⁷¹ Ki ba bakai baba ziba kuli neina ni kuba balisana, muli “Amen.” [Kopano ili, “Amen.”—Mu.] Lu swanela! Kiñi haneili balisana? Neina ni kuba. Cwale alunze lu opela ona timana yeswana yeo hape, mutahe fa tafule yeñwi. Kuna ni wa Methodist, Baptist, Lutheran, Presbyterian, Katolika, ni babañwi kaufela, ba baliteni mo busihu cwana. Mu swalane mwa mazoho, muli, “Mulikani wa muzamai, Ni tabile hahulu kuba mo ni wena, busihu cwana.” Bulela sika ku yena. Uli, “Mulimu aku

fuyole," halunze lu lumelisana mwa mazoho cwale. Halunze lu opela hape cwale.

Na . . . [Hakuna manzwi fa tepu—Mu.]
 . . . puluso yaka
 Fa kota ya Kalvari.

²⁷² Cwale halu itimeñi kwa meeto ni kunanula mazoho a luna, ni kuopela ku Yena.

Na Mu lata, Na Mu lata
 Kakuli U ni latile pili
 Ni kuleka puluso yaka
 Fa kota ya Kalvari.

²⁷³ Mi cwale, Mulimu hana sibupeho. Kacwalo, halu inamiseñi litoho za luna ni ku i ūnuñuna cwale, sina bana babanyinyani, mina mu bana ba Mulimu. Musike mwa talima ku seo lifasi li kona ku nahana, musweli ku lapela cwale, ku lapela Kreste. Amuinamise fela litoho za mina ni ku li ūnuñuna. [Muzwale Branham uňuñuna kuli *Na Mu lata*—Mu.]

²⁷⁴ Kana ha mu ikutwi ku kubuha cwalo? Inge Sika se si zwisize kwateni ku kakanya kaufela ni lifasi ku wena? Mwa ikutwa cwalo nji? Amu nanule mazoho amina, "Ni ikutwa fela ku kubuha luli. Ni ikutwa shutano. Ni ikutwa inge kuli Ne ni sweli kuca mwa mazoho a Hae. Ni nani . . ." Sina muzwale fa hana fa bupaki kuli, "Sico, Sico sa Mulisana, Sico sa lingu." Lani kona Linzwi.

²⁷⁵ Lingu za Mulimu li fepa fa Sico sa Hae, "Mutu hana kupila buhobe fela, kono u ka pila ni ona Manzwi kaufela a zwelela mwa mulomo wa Mulimu." Mi se kona Sona, yona Bibele. Lu fepiwa ka Linzwi kaufela, isiňi fela siemba sa Manzwi, kono ka Linzwi kaufela le li zwelela mwa mulomo. Oh, kana ha si ku konisi ku Mu lata? Ka kunahana kuli cwale luna ni Bupilo Bobusafel! Isiňi kuli lu kaba cwalo, *cwale* luna lu bana ba Mulimu. Isiňi kuli lu ka yo ba, ki cwale! Mi ki kuina hamoho mwa libaka za mahalimu *ku* Kreste Jesu. Mi televishini yetuna, ye bulela kuli kuna ni moyo o konisa batu kuli (mutu ya zamaya kupotoloha lifasi) ku zibahala ka—ka siiponi sa fa mazimumwangala. Linzwi lelituna la Mulimu, ni Moya wa Mulimu kunga Linzwi la Mulimu, kubonisa Jesu Kreste mwa libaka za mahalimu kwa lingu za Hae, kuli Yena wa swana maabani, kacenu, ni kuyakuile. Kana ha Ki yomunde nji? Kihande! Mulimu ami fuyole.

²⁷⁶ Cwale ha lu yemeñi fa nako nyana fela. Kana kuna ni ya bata mbuyoti nji? Cwale, muhupule, ka nako ya Kilisimasi, mulapele Mulena Jesu. Mu Mu Mu lapele mwa Mata a zuho ya Hae. Mi haiba Ni kona kuba ya sishemo ku mina (mina, mulisana wa mina, keleke ya henu, kamba sika kaufela), busihu ha bu bangi bobunsu hahulu, pula ha i nelangi hahulu katata.

²⁷⁷ Busihu bobuňwi (kuna ni kalibe ya yemi mo) Ne ni patehile hahulu, kunga bakuli ni zeňwi kufitela . . . Nekuna ni musali wa

myaha ye eite bukana cwalo ya kupepwa ya na lyangani mwa toho, mi nana ni...na hupula za kuba ni mbututu kamba nto yeñwi, na lyangani mwa toho. Mi Billy, kuzwa mwa ofisi, ani biza, ali, “Tate, kana mwakona?”

²⁷⁸ Se nili, “Hani koni ona fa. Kuna ni batu... Hani koni fela kueza cwalo.”

²⁷⁹ Ki hali, “Tate, kana mwakona ku lapela? Ni ka ba bulelela kuli mwa lapela.”

²⁸⁰ Se nili, “Eeni.” Mi ka yona nako yeswana yani a ba hande. Mi a lobala, a zuha inge a iketile handende; a icela kuhu, mulalelo wa hae, ali ya iketile fela hande. Mutu na yemi fa inza paka ka zona fa nako nyana yefitile.

²⁸¹ Muzwale Mchughe, Ne ni muboni mo fa nako nyana yefitile, kokuñwi mwa keleke. Uteni mo, alimuñwi wa balisana, ba mwa sibaka. Muzwale yomunde hakalo, mi Ni bile ni lata Muzwale Mack kuzwa fo ne Ni kalezi mwa bulumiwa. Mi se Ni mu katana...

²⁸² Mi Ne nili kwa British Columbia; ni ku mi bonisa fela Mulimu mwa na ka belekela lika kaufela hande. Ne ni pahami kale fa mbongolo, mi ne ni kutela mwa lihalaua kone Ni etelezi sikuwata kaufela sa ma Indian ku Mulimu; mi kaufela bona ne ba cincizwe, mi ne ba amuhezi Jesu.

²⁸³ Mi ka sipolofita sene si bulelezi mushimani wa mu Indian yana latehezwi ki pelesa ya hae, lilimo zepeli kwa mulaho, na mu bulelela kwa na ka ifumana, buhule bwa ko ne i kaya, ni ko ne i ka yema pelesa yani. Bomahe ne ba shwa ni butuku bwa pilu. Ba foliswa ni kupiliswa. Mi mushimani yoo, inza taha fela mi a bona cwalo, ni kuziba kuli na ka... pelesa ya hae ya fumanwa ona cwalo fela handende mwa na bulelezwi, ni lika kaufela.

²⁸⁴ Hakun neba Linzwi le likana la kile abulela Mulena... Ni ka buza alimuñwi wa mina, “Kana Akile...mu kile mwa Mu utwa fateni abulela sika, seo Akile ani bulelela kuli ni mi bulelele, kono kaufela ki ze ezahalile handende?” Haiba yeo ki niti, muli “Amen.” [Kopano ili, “Amen.”—Mu.] Mwabona? Mwabona? Kiniti, ha Li si ka palelwa fateni nihaiba nako iliñwi.

²⁸⁵ Mi Muzwale Mack na lobezi bukaufi ni lifu, mi kwa ezahala kuli musala hae a biza Billy... musala mwana ka wa mushimani, mi abulelelw... abuza ko ne Ni inzi; yena musizana ya latwa yomunde yani ni... musala hae. Mi yena... Mi mukwenya na ka wa musali, “U fumaneha koo kwa British Columbia fa musipili wa kuzuma.”

²⁸⁶ Mi kakusasana wani, fokuñwi, Ne—Ne—Ne ni palezwi fela kupahama mbongolo yani. Mi cwale Billy ali, “Ni ka lumela kuli Ni ka lizeza kwa lapa hape.” Mi aya kwa musumo ku yo liza. Mi ki bao ba taha inge bamata mwa mulaho, mu Indian yomunyinyani yani ali kuyema fani, mwanana...ki sikamañi

sene si bulukile pelesa yani, mi ali, “Muzwale Mack u lobezi bukaufi ni lifu, mi wa ku biza.”

²⁸⁷ Mi se Ni funduka, na ya mwa mushitu ku yo kubama. Se nili, “Mulimu Yomunde, kwahule hule, limaili ze likiti zetalu mwahala naha, mwa naha ya lizazi la Arizona, mwa Tucson, kuna ni muzwale waka, mi u kaufi ni lifu. Kikuli uka mu tusa?”

²⁸⁸ Sesiñwi sa bulela kuna kuli, “Kaufela liiketile.”

²⁸⁹ Mi ha Ni taha ku Muzwale Mack zazi leliñwi, ku to ambola ni yena, mi Na mu buza kuli, “Ki hola mañi yene li ezahalile?” ne li nako yeswana hola ye ne lu ilo lapela.

²⁹⁰ Oh, Yena...Ha Ki yomunde nji! Ki ya swana maabani, kacenu, ni kuyakuile. Ni tabile hahulu kuziba kuli Ni pila fapila Pata ya Mulena.

²⁹¹ Halu inamiseñi litoho za luna cwale, ni muzwale yomunde yomunyinyani uteni mo, muzwale wa mubuleli, mulikana ka, membala wa ba Assemblies of God, muzwale yomunde yomunyinyani mo. Ni mu biza kuli, “Creechy.” Na bulezi lika zende luli. Muzwale Creech, Ni ku biza cwalo. Ha ni zibi sa kubulela, ki wena muzwale waka ni mulikani mwa manyando a Jesu Kreste mwa lizazi la mafelelezo lee. Mi Mulimu ami fuyole. Mi Ni sepa kuli Muzwale Tony ubulezi kuli uka lukulula sicaba ka nako ye, halunze lu inamisa litoho za luna. Ku lukile, taha. 

LIBAKA HA NE IBILE BALISANA LOZ64-1221
(Why It Had To Be Shepherd)

Liñusa le ka Muzwale William Marrion Branham, neli katalizwe lwa pili mwa Sikuwa la Mubulo manzibwana, Ñulule 21, 1964, mwa mukopano wa ba Full Gospel Business Men's Fellowship International ili fa Ramada Inn mwa Tucson, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org